


濟寧州志

三四



DS
793
842
C5532
1785
v.3



在任城縣東南七十五里

樂史太平寰宇記

縉雲山在城西南三十里不甚奇峭山有古寺北瞰重湖西聯九十九峯漕河繞其左陟巔登眺頗稱大觀里人鄭文炳讀書于此

晉陽山在州西三十里彭子山之南

兗州府舊志

按晉陽山卽縉雲山

姚惇德四月六日遊馬場湖遂登縉雲山詩一

葉明湖泛重尋物外心人疑遊月窟地似入山

陰日薄天光合涼深雨意侵尚餘登眺興散策

步前林

沙里山在城西三十里山麓有廟林木翳然

空山在城西南三十里童赭無草木而岡巒亦嶙

峴

彭子山在州西南三十里俗名白嘴山運河檣帆

近在几席而湖光山色尤稱奇勝

按一統志作彭山通志作彭村

山俗名蓬子又名彭祖

崩山在州西四十里桓公溝出焉桓溫遣冠軍將

軍毛彪生鑿故名

見舊志古蹟○按桓公溝詳後濟水

曠山在州西二十里與彭子山對峙

聶本立登曠山詩西山曉色正曠曠一片湖光

漱灩紅漁艇影橫青靄外巖花香繞翠微中凌
虛欲傍三江雁振袂斜披萬里風天地茫茫誰
是侶獨吹橫笛對芳叢

王純祖曠山進香詞梅子青青杏子黃雞豚社
裏欲農忙明朝浴佛傳佳節相約迎神到上方
兩城山在城東南五十里亘鳧山西蜿蜒如繡屏
南陽湖齧其趾登高而望澄波萬頃漁歌樵唱與
山風水聲互爲響答里人靳學顏讀書于此

舊志

山在邾婁亢父兩城之間

曹學佺
名勝志

靳學顏遊兩城諸山詩飛流曲磴倚層霄白璫

青藜動野颺南下長濤紅日湧北來一雁素書
遙吹笙石上人如玉濯髮天津鵲作橋身外浮

雲看不足無邊霜葉晚蕭蕭

兩城集

牛來山在州東南六十里與兩城山相接

舊志下全

馬陵山在州東南六十里與鳧山相接

陵一作嶺

琵琶山在州東五里培塿迤邐不甚高按志女媧
陵在濟寧東疑此或是女媧琵琶俗傳訛也其東
臨泗水今隧道尚存

按舊志陵墓云女媧陵在州東三十九里與

此互異

九女堆在城北五里舊傳檀道濟唱籌量沙所築
非是九堆參差相向疑古陵墓但無斷碣殘碑可
考耳

按九女堆不詳所自寧陽有元九女墓云和
成妻孫氏女九人立石雲山前此以九女名
恐亦其類耳檀道濟量沙乃碣磳之濟州非
此濟州也又按堆與靳氏鳳渚別業相近靳
學顏有九塚詩云虹梁島島帶荒陂青塚纍
纍似九疑石馬有魂嘶夜雨金鳧無羽泛洪
池當年應下牛山淚落日空留掛劍枝試一

投詞向冥漠白楊無數起悲颶或卽此也然
未有確據姑存以俟考云 舊志形勝篇所
謂濟脉發自泰山蜿蜒二百餘里連岡續阜
至北郭結爲星峯其高與睥睨等者或云卽
此堆也但不曾發看是土是石

香葬堆在城南三十里松竹鬱蔥皆數百年物堆
凡三層形如壇壝上建大覺寺有郡人李鑑碑亦
不詳所自云

三皇臺在城南三十里大流店東下疊磚臺方畝
松柏陰森不甚高敞而完樸堅固有古碑爲里人

所壞

以上舊志

鳳凰臺在城西十里馬場湖濱相傳有鳳凰集此

故名

徐標小築邇言

按鳳凰舊志作風花非陳展銘集有重修西

湖鳳凰臺善果記通志圖亦作鳳凰

張耀陞西郊小阜詩沿溪行未窮相將凌孤阜

斜日抱寒城輕烟濯新柳曠然生遠懷興會依

林藪莫辭問酤帘慰我惟尊酒感慨埋沉醉狂

來還搔首

盛金登鳳凰臺懷古詞

鳳凰臺上憶吹簫

山色空濛秋

風蕭颯荒臺立盡斜陽嘆盛衰強弱一例云亡
欲問定哀桓景剩幾處野塚垂楊把酒弔他霸
業烟水蒼涼茫茫今來古往空只見平湖一葉
漁航笑浮名浮利都付黃梁爭似文人慧業歷
千秋日月同光君不見南池北樓酒聖詩狂

○金鄉縣

陽山縣西北二十五里在羣山之陽故名山勢蜿蜒而東兩峯相峙中有隘道北有石如屏各曰石

屏

縣志
下全

葛山在陽山後山勢峻拔中多美石相傳葛仙所經

魚山縣北三十五里山曼衍而北形如魚伏狀若龍廻山南有廻龍寺

吳山在陽山東二里許相傳爲吳隱之講學處

金莎嶺在城東一里莎一作梭或云莎嶺東抵魚

臺西接城武曹定綿亘三百餘里各因地得名寧

皆金沙嶺也上多莎草故名

縣志參晁氏鷄肋集

按明史金鄉東有莎嶺晁集張氏園記作梭

鳳凰嶺在縣治北四里

金鄉山

晉地道記縣多山所治名金山山北有鑿石爲

冢深十餘丈隧長三十丈傍却入爲堂三方云

得白兔不葬更葬山南鑿而得金故曰金山

後漢

書註

金鄉數山皆空中穴口謂之隧也戴延之西征

記曰焦氏山北有數山漢司隸校尉魯恭穿山得白蛇白兔不葬更葬山南鑿而得金故曰金

鄉山山形峻峭

水經注

按金鄉山不在縣境以縣取名故附之縣志以高平金鄉爲一山非也附水經注一條以證之

泗水過高平縣西洸水從西北來流注之酈道元云泗水南過高平山山東西十里南北五里高四里與衆山相連其最高頂上方平故謂之

高平山縣取名焉

水經注

按水經泗水南過高平縣西卽云又南過方
與縣東則知高平去方與甚近

明史鉅野縣南有高平山

○嘉祥縣

萌山在縣城內金大定間徙縣治此其支脉入城
東爲橫山橫山之前爲獨坐山其後爲柏山

禮山在縣東南四里其南爲魯翟山又南爲壘山

又南爲邾山下有邾城

按魯翟山縣志作東臥龍山邾山縣志作燈臺山

雲山在縣東南十四里與濟寧緡雲山連界

華林山在縣東南十五里左爲東磨山右爲闡山

縣志無省志

華林山北有高嶺上有寨基一名市

寨山亦曰龍華山

澹臺山在縣南三里下有澹臺橋其南爲潑山又南爲羊鹿山又爲馬山馬山之前爲覆金山羊鹿

山之南爲鳳凰嶺

縣志作山

釣魚山在縣南十五里山巔有石如釣臺上有巨
人跡長尺有四寸相連有南臥龍山右有二石坎

如盆

府志無

與釣魚山東西相對有行山

來山在縣南六里有來氏居之故名寨山與來山
相接金正隆時鄉人結寨以避寇又有板山在其
北

中山在縣南十五里

丹鳳山在縣南七里

范山在縣南二十里相傳爲范巨卿故里

塔山在縣南二十里上有石塔下有紫雲洞雲出則雨前爲小金山又前爲富山

青龍山在縣南二十里前爲雲頭山又南爲土山廣平無石可以耕藝又西爲固山

琵琶山在縣南二十四里後有胡楔山

屬山在縣南三十里

紫雲山在縣南三十里南爲黃山黃山之東爲二

龍山

大鼎山在縣南二十五里其形如鼎南爲武翟山
老牛愁山在縣南二十五里

布山在縣南三十八里旁爲跌波山山有穴極深
崩山在縣南四十里南爲黃路山又秃尾山與崩
山爲首尾

南武山在縣南四十五里西爲水牛山又西柏井
山舊有巨井柏覆其上水牛山南爲真武山

塚山在縣南四十五里

七日山在縣南四十八里相連者有栲栳山

蕪莢山在縣南五十里相連有恨虎山西有玉琉
小山西北有度人山南爲韭山又南爲遂山又南
爲蕭氏山西與磨山接與磨山對者爲英山又有
巖山

平山在縣南五十五里又名墓平山南接金鄉縣
界故疑爲高平山也

隊南山在縣西南七里其南爲壇佛山其旁爲馬
鞍山又西南爲舟山又西南爲商山下有商村社
小獨山在縣西南十里不與諸山相接

大婦山在縣西南十二里旁一山爲小婦山

青山在縣西南十五里又三里爲焦氏山又五里

爲狹山

縣志作狹山

與青山相對者爲社山

煙火山在縣西南二十里

煙縣志作種

鑽石山在縣西南二十二里牛山與鑽石山相接

明宣德間有史老者修道于此今名老史山北爲

洪山石壁鐫洪水詩字甚古

陳莊山在縣西南二十八里

佛耳山在縣西南三十里旁爲鮮白山又爲空空

山又西南爲南鳳凰山

郎家山在縣西南三十五里

縣志作郎山

午落山在縣西四里迤北爲箕山尖嶽山又西爲

故縣山

按午縣志作昨箕山作簸箕山尖嶽山作尖山無嶽字

西鳳凰山在縣西七里亦名卧佛山相連者爲小

青山骷髏山

西卧龍山在縣西十里

棗山在縣西北六里山之西爲護山護山之西爲

章山

按棗山縣志無

北鳳凰山在縣北五里

垞山在縣西北十里

青山硎在惠濟公廟東南

龍硿在西卧龍山陰幽險不可入

梅禪硿在北鳳凰山有梅禪師居之時有巨蛇往來硿中後梅去蛇亦無跡

社山硿在社山頂明時藏有土魃

紫雲硿在塔山又名呂公硿硿中有碑已爲樵牧所毀

空空硿在空空山上東西俱有門初俯視入中則空曠東西通透

磨山硿在縣南五十里洞中石可爲磨

滿家硿卽遂山硿深可二三里

硃地利害論硃地病民數年於茲議者以果行
蠲豁後可長利無害此知其一說而不知又有
一說也大約有三害尤有三難所謂三害何也
自古無無餉之兵旣以地代餉而欲奪之以歸
民則兵不足食勢必漁民田以保其生近硃居
民終不獲耕植此一害也今雖與復荒竝除矣
能保豪強不那移爲奸乎里胥不上下其手乎
復荒者不重起科乎萬一乘間而甲可移乙乙
可替甲旣有難正之田又有不清之賦二害也
甚者官征在籍之田民苦無田之賦匪特病民

實病官三害也何謂三難兵種民田由無餉也
彼或滋蔓衍種無有定畝而四方流亡之戶乘
機竊耕倩兵詭寄表裏爲奸貽害良民欲不清
則難爲民必欲清則兵曰若田卽吾餉而不可
必清一難也長吏痛悼茲弊數四上籲吾意當
事者不曰議加餉卽曰歸民田以有定之餉易
無定之田而兵必羣譁則田仍兵故物而終不
歸之民二難也且祠地六十三頃除軍國糧餉
加添外正項糧稅不下三百石征則民力不堪
不征則司計仰屋致咎有司三難也爲之擇便

無如倣古屯田之制將硎側四面均齊畫爲一屯計兵授地每丁若干畝其充首領祿俸若干畝勒之于石植于四界永不起科界外民田嚴防硎兵不得擅侵如此則兵有定田不得借無餉而來脫巾之呼民有正賦亦不得故諉硎地而致有賦之憂此所謂去弊必杜其端者也縣志遂山滿家硎形如培塿硎凡五處乾隆四十二年十二月萊州府知府胡德琳撫標中軍叅將剛塔奉巡撫檄會同濟寧州知州藍應桂金鄉令王天秀嘉祥令倭什布會勘得遂山

國初平定土賊曾用火攻石經火燬大半摧裂堵壓
硎口深淺無從探量俗呼官山周圍約計六里
高三十餘丈山前卽滿家硎莊居民約九百餘
戶山後有徐家邨約五百餘戶西南有鄰家莊
約二百餘戶東北有上吳下吳二莊約三百餘
戶順治初設立千總一員民兵二百名十四年
裁去民兵改設守備一員建官署撥青兗二府
馬步餉兵三百名雍正二年添設兗鎮復改設
千總及馬步兵四十三名以資彈壓其西南爲
蕭氏山又西爲磨山俱較遂山低小不相連屬

東北爲韭山正北爲恨虎山又北爲蕪黃山綿
亘約四里餘遂山南距金鄉縣界五里西至距
野縣界八里東至濟寧州界十八里北至嘉祥
縣城五十里繪圖申覆存案

據文帖

按嘉祥縣志凡九十九山蓋無棗間二山而
東寨龍華爲華林之別名不在其數也今以
兗州府志與縣志參定如右

○魚臺縣

獨山在縣東四十里獨立湖中因名

兗州府志下全

鳧山在縣東北七十里

黃山在鳧山之右去縣五十里黃良泉出焉

鳳凰山在縣東五十里

聽山在縣東五十里

大青山在縣東七十里

桃花山在縣東七十里

平山在縣東七十里

廟山在縣東南七十里又前爲寨山後爲充山

嶺南郡治博羅縣南五十里

平山縣治平山縣南五十里

博羅縣治博羅縣南五十里

博羅縣治博羅縣南五十里

博羅縣治博羅縣南五十里

博羅縣治博羅縣南五十里

博羅縣治博羅縣南五十里

川澤上

濟州爲運道之樞機而汶泗洸府諸川南旺蜀
山馬場南陽昭陽皆在所轄之內自不得而畧
之矣濟泗古跡與今不同而志者所以道古又
可令其莫考乎州境多汙邪淫雨水積則爲害
所藉以宣洩者牛頭昔蒞諸河耳此則民生利
害所關前宋家窪之開以引水入牛頭河亦爲
此也舊志頗陋今畧採諸書以著于篇

運河之水發源汶泗在濟寧州管轄之內者南自
珠梅閘北至寺前閘爲牕一十有五其中河道有

屬曹州府之鉅野者有屬兗州府之鄒縣汶上者
有屬濟寧衛者而其並領于運河同知則雖不盡
屬于州而皆當見之紀載故乾隆四十一年既改
濟寧爲直隸州并改運河同知爲濟寧州屬河道
同知云舊志謂之會通河按元至元二十六年用
壽張尹韓仲暉言自安山開河北至臨清以屬漳
水渠成賜名會通則與此無涉蓋統言之則可專
言之則有別矣

按前運河使吳江陸公耀所撰運河備覽

書最爲切近今所纂錄大半依之

自珠梅牖北四十四里

備考四十八里

至邢莊牖

運河滿覽以下

全者
省注

創建年月無考

國朝乾隆三年修加頂面石二層金門寬二丈二尺

五寸高一丈五尺

月河無

按制牖必旁疏爲垣以待暴水如月然

王家口古淺一今不淺邱家水口新淺一

東岸水口十四王家水口今廢傅家水口徐家

南水口徐家北水口滿家南水口滿家中水口

滿家北水口王家水口張家水口馬家北水口

孟家南水口尤家北水口石家水口邱家水口
俱明隆慶年建

辛莊橋滾水坝乾隆二十七年建長二十丈高
一丈四尺四寸西岸單牖七俱明隆慶元年建
曰徐家下單牖徐家上單牖曰滿家單牖王家
單牖邵家單牖石家單牖邱家單牖乾隆二十
三年俱加高石面二層

南陽牖官兼管牖夫二十四名

自邢莊牖十二里至利建牖

又名宋家口

明嘉靖四十五年建

國朝乾隆三十五年修加頂面石二層金門寬二丈
一尺高一丈五尺五寸

明游季勲利建牐記畧先皇御極之四十四年
河壇沾沛上命大司空朱公治之乃謀開新河
首南陽導水東南行相地建牐檄有司分治而
以南陽之下十五里爲第一牐屬之濟寧肇事
於明年二月堰水盤基泉從中溢百桔槔不能
徹尋涸尋盈數旬弗績衆難之予亦擬改卜焉
胡知州尙志鄭判官夢陵以爲無踰初地著之
得利建繇意益決轉樞運水利以千計畫夜番

休民踴躍弗怠五越月牐成料具制周視他牐
尤壯無何胡以致仕行予亦報竣還朝又明年
予再役河上往閱諸牐有塞亢而梗者有制踈
而圯者而濟寧所建獨稱完績因名曰利建以
著辭與言有默契云景知州一元請予記遂書
以授之胡子績溪人鄭子縉雲人景代胡知濟
寧事聞喜人

月河長九十三丈

馬家三孔橋新淺一

東岸水口三曰邢家水口姚家水口利建水口

西岸單牖二曰馬家三空橋利建單牖俱隆慶
元年建乾隆二十三年修

南陽牖官兼管牖夫二十七名

自利建牖十八里至南陽牖

元至順二年建

國朝乾隆三年修加頂面石二層金門寬二丈二尺

高一丈九尺二寸

月河長七十一丈

土地廟至人家南頭人家北頭至月河口趙家

水口下趙家水口上共新淺四

東岸水口二曰趙家水口馬家上水口

西岸單牐二曰趙家單牐五里單牐俱明隆慶

元年建

國朝乾隆二十三年修

馬公橋在五里單牐北南陽鎮南康熙三十年

魚臺縣知縣馬得正建下臨昭陽爲魚邑往來

要道乾隆二十二年知縣馮振鴻添設涵洞七

以通湖水三十七年加寬十丈增設橋洞

牐官一員牐夫三十二名

以上爲魚臺主簿汛主簿一員淺夫四十三名

兩岸隄長一萬五千三百丈官隄二萬二千八百二十四丈七尺自王家水口起至四里灣界碑止計程八十五里入州境

有魚臺主簿南陽牐官衙署

自南陽牐十二里至棗林牐

元延祐五年建

國朝乾隆二十三年修金門寬二丈二尺高二丈七尺六寸由身各長二丈三尺東西兩岸上下雁翅各長一丈

月河長一百八十丈

橫堤下新挑河新淺二視瓦溝古淺一卽磨鑣溝仍淺

東岸水口一曰新挑河受黃良等泉之水入運曰磨鑣溝受白泗二河并魯橋東坡水入湖在獨山湖上游

按棗林之北有土堤一道橫旦牛頭河運河之間乾隆二十年築以防南陽湖水倒漾謂之新堤又有康熙中知州吳禔所築謂之舊堤

師官一員肺夫二十四名

硯瓦溝橋在魯橋牖下其水墨色有碑云宣聖墨池

也

胡瓚泉河史

程敏政硯瓦溝詩一派泉聲出澗長千秋猶帶墨華香源流色正分元武刪述功深仰素王湘水有魚還識字榮河無馬復呈祥稽疑欲借圖經看斷港徘徊又夕陽

自棗林牖

備考十里

至師莊牖

舊名師家店

元大德二年建

國朝乾隆二十三年修金門寬二丈高二丈八尺

月河長四十丈

棗林牐下魯橋師莊牐上古淺三今俱淺

東岸水口一曰魯橋泗河口明成化年間此處建有
魯橋牐

乾隆四十八年知州王道亨添建魯橋沙州寺擺渡
口涵洞一座

治河方畧云凡沂之下流通乎港里河鄒之諸泉入
於白馬河并濟魚二州縣等泉各出魯橋入運爲魯
橋派

全河備考棗林迤北六里至魯橋牐月河長一千一
百六十丈今改正河是也又云白馬河迤北九十里

至濟寧其東岸係鄒縣境魯橋師莊之間有港里小
牌一橫遏泗水入漕

按府志州河道東岸魯橋沙洲寺至石佛舊有堤
一道相傳係民修每河水漲發淹民田康熙十
七年總河靳輔采同知任璣議築修名曰靳公堤
仲莊牐官兼管牐夫二十四名明隆慶三年革

師莊新牐牐官以仲家淺帶管

麻石橋在師莊牐下

泉河
史

龍石橋在魯橋牐下

全上

自師莊牐五里

備考十
五里

至仲家淺牐

明宣德四年建

國朝乾隆三十二年修金門寬二丈八尺高二丈八尺八寸

月河長一百八十丈

太牖古淺一今不淺

東岸涵洞一在月河內乾隆三十年建洩坡水入運
乾隆四十八年知州王道亨重修月河裏涵洞一座
牖官一員牖夫二十四名有牖官衙署

明陳夢鶴仲家淺夜泊詩牖水經行處扁舟向晚通
岸雲縈柳暗漁火射波紅地說南州近人傳仲子風
徘徊中夜起彈劍意無窮

自仲家淺牖六里

備考五里王新牖舊名黃陳林新牖

元至正元年建

國朝雍正六年修金門寬一丈一尺高二丈八尺八寸

月河長一百一十丈

本牖古淺一今仍淺

東岸涵洞一在月河內洩坡水入運

乾隆四十八年知州王道亨重修月河裏涵洞一座

仲家淺牖官兼管牖夫二十五名

白新牖六里

備考
八里

至新店牖

舊作
辛店

元大德元年建

國朝雍正八年修金門寬二丈高一丈九尺二寸

月河長二百丈

本牐古淺一今仍淺

東岸涵洞二一在牐下乾隆元年建二十三年折修
宣洩黑土店坡水入運

乾隆四十八年因上四里灣涵洞出水不暢知州王
道亨改建單閘一座○重修下四里灣單閘一座月
河裏涵洞一座

牐官一員牐夫二十五名

自新店十八里至石佛牐

元延祐六年建

國朝雍正三年修金門寬一丈九尺五寸高二丈二尺五
寸全河備考掘土中得石佛十二故名

月河長二百三十丈

本牐古淺一又花家淺古淺一今仍淺

牐官一員牐夫二十五名

白石佛牐五里至趙村牐

元泰定四年建

北河續記作
至正七年

國朝乾隆二十三年修金門寬二丈五尺高二丈二尺五寸

月河長二百五十五丈有石堤明洪治元年建

本牐古淺一又楊灣古淺一卽審灣今仍淺

牐官一員牐夫二十五名

四十六年總河李公奉翰奏明將趙村牐官一員裁

汰其牐務歸在城牐官管理

自趙村牐六里

備考西至任城北三里

任俗牐

備考原牐名下牐

元大德七年建

國朝乾隆三十三年修金門寬二丈八寸高二丈九

寸

元俞時中任城東牐記至元二十年朝廷初以江淮水運不通乃命前兵部尚書李奧魯赤等調丁夫給庸糧自濟州任城委曲開通河渠導洸汶泗水由安民山至東阿三百餘里以通轉漕然地勢有高下水流有緩急故不能無阻難之患二十一年有司創爲石牐者八各置守

春秋觀水之漲落以時啟閉雖歲或亢暘而利
足以濟舟楫惟是任城隍東距師家莊袤六十
里土壤疏惡霖潦灌注承乏歲月至是始壞時
都水少監分都水監事石抹奉議適膺其任聞
之中書省易而新之陶土爲甕採石於山其材
用所須不費於官不取於民率指授役夫爲之
不數月厥功告成仍卽其地之西偏修飾廳事
以爲使者往來休憩之所公退因錄其同事者
職役姓氏以告後之來者

在城乃任城之
訛此記可証

月河長四里自隍下起至濟安橋止隍三曰下

新中新上新自下至上相去一里下新卽任城之月河上新卽天井之月河

本牌古淺一又通心橋新淺一

東岸濟寧州自任城牌下真君廟起至天井牌

上濟安橋止皆在州城外曰韋馱棚曰通心橋

分洩楊家垵下注之水

按通心橋卽通濟橋俗訛爲心

牌官一員牌夫二十五名帶管下新牌廢牌夫

四名隨同任城牌夫應役共牌夫二十九名

太和橋在小牌後

舊志

有真君廟其南爲總漕行署

自任城牖一里三分

備考又西北一里

至天井牖

備考原名中牖

又名會源

按天井固即會源之故處但會源牖如南旺

之分水口與今天井形勢大不同矣

元至治元年建

國朝乾隆十九年修金門寬二丈九寸高一丈八尺

舊說唐武德中尉遲恭鎮盧龍穿渠于濟以通

漕故厓底尚有唐武德七年尉遲敬德建石刻

考武德七年敬德方隨太宗於幽州備突厥無

鎮盧龍事

牐上爲觀瀾橋洸泗二水所經今已淤廢全河備考泗沂西下夾流而南出泗水曲阜滋陽寧陽會汶與洸以入元人所謂會源牐者爲天井派

牐官一員牐夫二十八名又帶管上新牐廢牐夫六名隨同應役又南門草橋二橋夫二十三名共夫五十七名

南門橋創建年月無考金門寬二丈二尺七寸

高一丈六尺八寸

南門橋一曰飛虹橋

明朱德潤飛虹橋詩任城南畔長堤邊橋壓丈

水如奔湍，脾官聚水，不得過千艘。啣尾拖雙牽，
非時洩水，法有禁關。梁夜閉防民姦，日中市貿，
羣物聚紅氍毹，碧碗堆如山。商人嗜利，暮不散酒，
樓歌館相喧闐。太平風物，知幾許耕桑處處增，
炊烟明朝北上。別旅叟叟持清尊，求贈言欲圖，
豐駢真未暇爲君寫作康衢篇。

小南門橋跨中新河，永樂九年同知潘叔正建。

泉河史

濟安橋在城南，跨月河上。新牐口永樂九年建。

天順三年修主事孫仁移置。

全上○按濟安俗曰濟陽

濟安橋卽任城牐下南岸月河之上口每歲挑河開此口門使水由月河出任城牐下天井塘河方可挑挖工竣仍行堵閉

以上爲濟寧州州判汎州判一員淺夫一百三十三名半兩岸堤長一萬三千五百丈官堤一萬九千七百二十九丈白魚臺縣四里灣交界至二里半

舊稱五里營

止計程七十五里入濟寧衛

界自牐下起至小長溝止南岸爲鉅野縣境

徐駿偉冬深過天井牐感賦詩
轆東南急衝
俗齊魯艱泥沙高覆屋冰雪凍盈牐豈不懷民

力何由竭地泉村村烟火寂灑涕辦夫錢

○元揭傒斯濟州會源牒記皇帝元年夏六月都水丞張侯改作濟州會源牒成明年春二月具功狀遣其屬孟思敬至京師請文勒石惟我元受命定鼎幽薊經國體民綏和四海辨方物以定貢賦穿河渠以通漕度乃改任城縣爲濟州以臨齊魯之交據燕吳之衝導汶泗以會其源置牒以分其流西北至安民山入于新河達于臨清地降九十尺爲牒十六以達于漳南至沽頭地降百十有六尺爲牒十又南入于河北至

奉符爲牐一以節汶水東北至兗州爲牐一以
節泗水而會源之牐制于其中歲益久政日弛
弊日滋漕度用弗時先皇帝以爲憂延祐六年
冬詔以侯分治東阿始修復舊政誕布新令嚴
暴橫之禁杜姦利之門南疏北導靡所寧處明
年冬以及期請代弗許行視濟牐峻怒狠悍歲
數壞舟楫土崩石泐岌不可待乃伐石區里之
山轉木淮海之濱度工卽功大改作焉明年皇
帝建元至治三月甲戌朔侯朝至于河上率徒
相宜導水東行竭其上下而竭其中以儲衆材

撤故牖夷均浚徙其南二十尺降七尺以爲基
下錯植巨栗如列星貫以長松實以白石概宜作
漑視其地無有所罅漏衡五十尺縱百六十尺
八分其縱四爲門縱遜其南之三北之一以敵
水之奔突震蕩五分其衡二爲門容折其三以
爲兩墉四分其容去其一以爲門崇廉其中而
翼其外以附于防三分門縱間于北之二以爲
門中夾樹石鑿以納懸板五分門崇去其一以
爲鑿崇翼之外更爲石防以禦水之洄洑衡薄
縱皆二百三十尺爰琢爰斲犬牙相入苴以白

麻固以石膠磨礱剉礮關以勁鐵厓削砥平混
如天成冠以飛梁偃如卧虹越六月十有三日
己卯訖功大會羣屬宴于河上以落之工徒咸
在旄倪四集酒舉樂作揮鍾決竭艤櫂啟鑰水
平舟行伐鼓譟呼進退間暇其稱侯之功頌侯
之德者雷動雲合且拜曰惟聖天子繼志述事
不易任以成厥功惟億萬年享天之休是役也
以功計石工百六十人木工十人金工五人上
工五人徒千四百二十人以材計木萬一百四
十有一石五千一百二十有八其廣厚皆倍

舊甓二億一千二百有五十以斤計鐵二萬五千五百麻二千三百石之灰三億三萬三百三十有四以石計粟千二百有五十視他牖三之視故牖倍之其出于縣官者鐵若麻木十之七石五之一粟五之三餘一以便宜調度不以煩民此其大較也初侯至之明年凡河之隘者闢之壅者滌之決者塞之拔其藻荇使舟無礙禁其芻牧使防有所固隆其防而廣其址修其石之巖陴穿漏者築其壤之䟽惡者延袤贏七百

里防之外增爲長堤以閑暴漲而河以安流潛

爲石竇以納積潦而瀕河三郡之田民皆得耕
種又募民采馬蘭之實種之新河兩涯以錮其
潰沙北自臨清南自彭城東至于陪尾絕者通
之鬻者澌之爲杠九十有八爲梁五十有八而
挽舟之道無不夷矣乃建分司及會源石佛師
莊三牐之署以嚴官守樹河伯龍君祠八故都
水少監馬之貞兵部尚書李奧魯赤中書斷事
官忙速祠三以迎休報勞凡河之所經命藏冰
以待渴者種樹以待休者遇流殍則男女異瘞
之饑者爲粥以食之死而藏饑而活者歲數千

人是以以上知其忠下信其令用克果于茲役也
侯亦勤且能矣然古者三載考績三考黜陟幽
明故人才得以自見方世祖皇帝時天清地寧
羣賢滿朝少監馬公之徒得以陳力載勞垂功
無窮者慮之遠擇之審任之專也向使侯竟代
去雖懷極忠甚智無能究於其職是以侯之遇
也惟茲腴地最要役最大馬氏之後侯之功爲
最盛故詳於是碑以告後之人侯名仲仁河南
人辭曰昔在至元惟忠武王自南還歸請開河
渠自魯涉齊以達京師河渠旣成四工率從萬

世是資朝颿夕檣垂四十年孰慢而隳翼翼張
侯受命仁宗號令風馳徵工發徒旣滌旣疏濟
牖攸基先難而興旣星而休觸冒炎曦疾者藥
之死者輶之奚有渴饑拊循勞徠信賞必罰勿
亟勿遲十旬之間遙績于成智罔或遺洋洋河
流中有行舟若遵大達舳艫相銜罔敢後先亦
罔敢稽賢王才侯自北自南顧盼嗟咨曰惟京
師爲天下本本隆則固惟帝世祖旣有南土河
渠是務四方之供于千萬里如出跬步聖繼明
承命官選材惟侯之遇昔者舟行日不數里今

以百數昔者舟行歲不數萬今以億慮惟公乃
明惟勇乃成惟廉則恕汶泗之會有截其牖有
菀其樹功在國家名在天下永世是度

自天井牖三十里

備考三十五里至通濟牖

明萬歷十六年建

國朝乾隆十八年修金門寬二丈高二丈四尺

月河無備考云七十二丈誤

五里營十里舖安居古淺三今俱不淺永通牖
曹井橋古淺二今仍淺又馬家口北楊園上下
北交界新淺三

北岸十里舖安居二牐

南岸永通牐卽耐牢坡所以洩運河之水入牛頭河今閉

以上爲濟寧衛北汛千總汛千總一員兵夫九十五名內外委一名百總三名軍夫二十五名兩岸堤長三千二百四十丈官隄三千三百七十七丈自州二里半起至鉅野縣曹井橋止計程十八里入鉅野縣境又兼管嘉祥汶上二汛河道安居有千總署

牐官一員牐夫二十八名

西草橋永樂九年建跨漕河

泉河史

曹井橋在城西十八里

通志

明唐文獻通濟牘記畧頃者漕河淤淺萬歷戊子
上命工科都給事中常公周覽河漕形勢至鉅野縣
火頭灣地介于濟寧天井牘寺前鋪上下相距各三
十里許宜建牘以瀦水勢報可于是特起大中丞潘
公總理河道公卽以䟽濬之功自任伐石鳩夫甃砌
工緻不數月而功成特勒貞碣以誌成功之自云任
其事者河道都御史潘公季馴主其議者工科都給事
中常公居

敬巡撫都御史李公戴宋公應昌巡按御史吳公龍徵鍾公化民陳公惟芝賈公名儒按察使曹公子朝叅政郝公維喬副使曹公時聘僉事和公震綜理其間者工部郎中吳公之龍李公民質主事蕭公雍王公元命若知府易登瀛運同羅大奎陳昌言知縣殷汝孝實與同事焉

自通濟牐三十里備考三十五里至寺前牐舊名棠林

明正德元年建

國朝乾隆二十二年修金門寬二丈高一丈八尺東岸爲汶上境西岸爲嘉祥境

明武宗實錄正德元年添設袁家口寺前鋪二
牌以地在南旺之南開河之北地勢高下懸絕
至春末水淺舟膠漕運阻滯故也居濟一得寺
前鋪最宜嚴謹故南旺之水南行最順此鋪一
不嚴謹則水之洩於南者太多而北運勢必淺
阻此一定之理也若逢天旱之年汶水不足濟
運開利運牌以濟北運則此牌尤爲緊要此牌
旣嚴而柳林牌十里牌開河牌俱不下板而水
始可以通行北注若一牌下板水卽不能往矣
乙酉初夏汶河水微不能濟運已經用此法以

濟北運甚覺有益故附志於此

月河見後寺前至南旺

火頭灣梁家口卽楊家河灘白嘴黃沙灣小長
溝大長溝十字河古淺七今仍淺又沙山北朱
家河灘張家路口天妃廟北王家河灘關帝廟
傅家祠新淺七

東岸石牖三曰民便牖利水牖金線牖民便在
白嘴稍南對岸與馬場湖隄相近洩五羊坡水
入運金線牖於乾隆二十五年移建柳林之北
居濟一得云白嘴宜建牖一座使馬
場湖水由此入運則不至一洩無餘

陸公燿云乾隆三十九年將民便牐圈入馬場湖內不煩建牐而水自從此入運

西岸口門一曰十字河洩運河異漲入湖今廢涵洞二曰關帝廟雙涵洞乾隆二十四年建

陸公燿云乾隆三十九年開埧之始汶水微弱不能南北灌注因閉寺前柳林使汶水專往北行而啟雙涵洞并挖傅家祠隄岸俾往南行頗得其益

牐官一員牐夫二十六名

明陳夢鶴春日泊火頭灣詩開棹移曹井廻灘

向火頭人家懸岸口烟爨隔溪流寒盡春堤柳
潮平野渡舟迷津誰欲問江海愧浮鷗

自寺前牖十二里至南旺牖

又名柳林牖

明成化六年建

國朝乾隆三十七年修金門寬二丈高二丈一尺

月河無

舊月河明成化六年建又有
靳文襄之新月河今皆廢

寺前孫村柳堤南旺古淺今仍淺小元帝廟

大王廟利運牖徐家口門新淺四

東岸利運牖明嘉靖年建

國朝康熙十九年乾隆三十七年修金門寬一丈二

尺高一丈三尺二寸

西岸單牖曰小土地廟乾隆三十五年建

以上爲鉅嘉主簿汎主簿一員淺夫九十一名
半兩岸隄長七千三百丈官隄七千一百三十
五丈自鉅野縣曹井橋起至嘉祥縣孫村止計
程四十一里入汶上縣境

牖官一員牖夫十八名

自南旺上牖十里

備考又北九里

至南旺下牖

又名十里牖

明成化六年建

國朝乾隆十六年修金門寬一丈九尺高二丈一尺

六寸

鵞河卽老鸛巷田家口卽王化莊闕城卽觀音堂古淺三今仍淺

東岸金線牖本在寺前牖之南乾隆二十五年運河道李清時改建柳林之北

南旺分水口上承汶河之水入運明永樂九年以濟寧州同潘時正言命尚書宋禮役丁夫一十六萬濬會通河用老人白英計築戴村埧遏汶全流出汶上之西入于南旺由分水龍玉壩前南北分流

西岸斗門八曰焦鸞盛進張全孫強彭石邢通
劉賢常鳴俱明永樂年建

國朝康熙五十六年乾隆十七年修每遇伏秋暴漲
開放洩水掣沙入河今焦鸞斗門久廢其張全
盛進孫強彭石四斗門亦淤止邢通劉賢常鳴
三斗門及十里牐下之關家大牐收水入湖

上牐牐官兼管牐夫十八名

有汶上主簿南旺牐官衙署

自南旺下牐十三里

備考十五里

至開河牐

元至正間建

國朝康熙五十七年修金門寬二丈高二丈一尺五

寸

關家牐五里舖新淺二

東岸新河頭牐創建年月無考雍正四年修金門寬一丈高一丈八尺洩馬踏湖水濟運

西岸牐座二曰關家大牐曰五里舖牐

牐官一員牐夫二十六名西岸有牐官衙署

詹瀚開河迤南卽事詩憶昔長垣昏墊日曾經
沉璧奠張秋梁山忽斷陶祥路鉅野還浮曹濮
舟千里民居今底定十州麥壠近全收黃陵岡

塞河循舊黑馬溝深水自流

自開河牐十六里

備考十二里

至袁家口牐

明正德元年建

國朝乾隆二十三年修金門寬一丈九尺六寸高二

丈二尺八寸

月河長一百七十丈

本牐古淺一卽館驛門又劉家口卽劉老口今俱淺

東岸洪仁橋牐創建年月及寬高丈尺均與新河頭牐同水口一曰劉老口上承何家埧所洩

汶河有餘之水入運

牐官一員牐夫二十六名有衙署

以上爲汶上主簿汎主簿一員淺夫七十二名
兩岸隄長一萬一百七十丈官隄一千七百三
十一丈自孫村起至靳口牐上止計程五十六
里入東平州境

凡運河廳同知所屬自王家水口起至袁口牐
北止計程二百七十五里一百八十步入東平
州境內設州判一員主簿三員守備一員千總
二員牐官八員

濟寧直隸州志卷四

輿地三

川澤下

汶水有數源一出新泰縣宮山之下曰小汶河一出泰安縣之仙臺嶺一出萊蕪縣之陽而小汶來會之至寧陽西北分而爲二其一爲元朝所改由埭城埭南流爲洸水其一由埭城埭西流會坎河諸泉入大清河由東阿而北至利津入海此故道也明永樂中宋禮用白英言於寧陽之北築埭城埭阻汶入洸於東平州坎河之西戴村築埭阻汶

水使全流盡由汶上城北二十里受樂湍諸泉謂之魯溝又西南會草橋鎮白馬河鵝河黑馬溝至南旺入運

何家埧在上游汶河西岸一由開河牐下劉老口入運一由袁口牐下石頭口入運明萬歷十

四年築

運河
備覽

元憲宗七年當宋理宗之季濟倖畢國輔於汶陰堽城之左作斗門遏汶南流至任城入泗以餉宿蘄戍邊之衆謂之引汶入濟而汶始南通於泗世祖至元間以江淮水運不通自任城開

渠達安山爲一牐於奉符

卽城

以導汶入洸爲

一牐於兗州

卽金口

以遏泗沂會洸水合而至會

源牐

卽天井

南北分流二十六年又用壽張尹韓

仲暉言復自安山西開河由壽張西北至臨清

直屬御漳謂之引汶絕濟而汶始通於漳此會

通河所由開也

泉河史

張伯行云改河南旺分水南北以濟漕此宋禮

之功也不修石牐相時啟閉任水南流以致運

河沙淤歲歲挑挖遂貽無窮之害然在改河之

初不過數丈水之入鹽河也順

鹽河卽汶故道

而赴南

旺也逆且築埧戴村而留埧以備分洩又坎河口不埧歲築沙堰一遇水漲盡皆衝去故水之趨海也多而至南旺也少運河兩岸之州縣猶未爲大害迨其後河日益寬其赴南旺也易而入鹽河也難萬恭又累石爲灘潘季馴復築石爲埧至今日而沙填河底水益爲害乃於石埧之北又築土埧遂使水不歸海盡趨南旺漫決橫潰洋溢民田勢所必至是直以山東兩岸之州縣爲壑也

居濟一得

泗河於州東四十里自兗州府滋陽縣來至南

集入州境南流四十里至姬家莊北屈而西流歷
新泗河口過張家橋至仙官莊屈而南流至魯橋
沙洲寺入運河乾隆十四年開新泗河南流過董
家埧歷鄒縣犬牙地又入境會白馬河曲折出孟
家橋入南陽湖又乾隆三十二年新挑引河亦引
泗河水入新河以取直

泗水出泗水縣東五十里陪尾山西南經卞橋
下又西有泉數十自縣之北境南流入之皆謂
之泗水又經其縣北又西過曲阜縣城北五里
春秋所謂洙瀆是也洙水逕聖墓後又西至府

城東五里金口牐俗所謂黑風口也隋文帝時
沂泗南流泛濫大野薛胄於二水之交積石堰
之決令西注陂澤以溉良田號薛公豐兗渠元
至元二十年開會通河乃修薛公舊堰爲滾水
石埧以引泗水入運延祐四年都水太監濶濶
始疏爲三洞以洩水勢明初堰埧以土旋廢成
化七年侍郎喬毅始令主事張盛以石爲埧銅
之以鐵夏秋水潦則開牐洩水使南流會沂由
堽里牐入師家莊牐河冬春水微則閉牐遏水
西入府城以出濟寧

兗州府
舊志

吳樗曰東鄉泗河上源泗水橋河身濶數十丈
至橫河集漸南漸狹出口之處濶止三四丈全
賴董家口支河以分其流而殺其勢今鄒縣車
家橋閤家口一帶俱淤澱不通分殺無路故泗
水一發卽至漫溢而隄防未有不衝決者也牧濟

錄

泗河西岸漫沒衝決每一望汪洋康熙三十六
年詳明上司建築泗河西堤并鷄嘴埧開濬姜
家橋淤淺之處傳集士民照按依畝分工之法
產主助食佃戶出力借動常平倉穀以濟之於

閏三月二十一日興工五月十三日完工

上全

泗河之東地勢原高是以昔日惟決而西今西堤告成則水勢障而之東東邊鄒濟之界又不免被淹亦有謀築東堤之議然水西決無歸洩之路汪洋一片經冬不消有悞播種至於東邊被水之情形有不同者以南有獨山湖可歸一漫而下不至如西決之久積爲患也若鄒民肯浚支河以洩之則更可無被淹之慮矣議築東堤恐難保固亦屬末務耳

上全

按今已築東堤矣待截歸湖之路水發仍不

免衝決此論實中肯

新泗河在州境董家埧由鄒西莊入境至孟家橋會白馬河入獨山湖在州境內者湊長十三里七分蓋泗河在滋陽境內者寬深下游入州境漸狹屢年漫溢乾隆十四年申請在程家樓東開挑新河由鄒縣之舊白馬河至孟家橋入獨山湖以分洩之其水七分出新河三分由舊河二十二年鄒縣又請將濟境孫家口開挑引河三百丈而全河之水建瓴而下故下游之登豐里諸地方村落被淹矣經前守覺羅普公爾

泰親勘復請自許家莊北至舊河口止挑引河

一道長一百一十三丈達舊河口由董家埧入

新泗河下獨山湖分洩水勢不致漫溢矣白馬

河自鄒縣境流入州境長八里五分

文案

姜家橋州東三十里跨泗水上萬歷中耆民姜

龍湖建尋爲水衝康熙十一年里民胡若琦劉

宗允捐金僧照智募化重建

舊志

蓼溝橋掾吏宋清建在東南二十里

萬歷志

張家橋在九曲里人程位修

全上

兩川橋在魯橋鎮金時創修

全上

魯橋唐時建歷宋元明屢修

全上

元潘士文重修魯橋記夫見廢而不能興見損而不能益嘗爲仁人義士之所嘆惜任城之南六十里有曰魯橋者館傳在茲東通齊魯西連鉅野南引淮楚北抵京師歲時諸王大臣朝會貢獻經涉於此者非舟卽驛橋當衝要非細務也稽諸遺記自宋景德三年迨天聖八年已再完立治平甲辰又復完之歷元符迄政和屢廢屢興其來尙矣皇元泰定三年又爲新之延及至正四年黃河泛濫與會通洸泗接敵蕩潰日

久靡策可除兼以霖潦相仍諸山之水洶湧合
流一匯於中至正八年六月己未十三日戊寅
以水故而橋大圯橋旣圯矣驛道弗通使臣至
此悉靡獲濟假民居以爲休憩之所民甚病之
越明年春濟寧判官李朝信一見而嘆曰是誠
在我遂勸率耆舊欣助樂施之一二欲疊故基
而復前跡至是以水故而功弗克乃錮石爲梁
市巨木命工爲浮梁以便驛道工以傭僦民用
樂趨繚以木欄長與橋齊未踰浹旬厥工告畢
行者居者兩無所苦其功利未可以歲計也嗚

呼能者創物智者述之是役也苟非智能創述之才疇克臻茲今朝信公以善政從容而更險以夷利及悠久循循乎其良吏也哉公名宗漢字彥文衛輝人博識練達精勤果毅是役特餘事耳因識之以勸將來

萬歷志

元周權過魯橋詩泗河汨汨流青銅魯橋突兀橫長虹驚波蕩潏石鬪怒石門空洞如弛弓風霜剝蝕勢欲壓亂石齒齒填深洪南連淮楚九地厚東導齊魯羣流通商賈貿遷百貨阜來帆去棹紛奔衝車輪彭鉤鐸聲急馬蹄蹴踏塵影

紅我遊天京偶經此一見淳俗真堯封扁舟膠
涸守連日欲去未去心忡忡嗟予行役浪自苦
颯颯吟鬢將秋蓬摩挲殘碣討遺蹟搔首躊躇
斜陽中銜盃一洗胸芥蒂浩歌目送吳天鴻

○泗水出魯卞縣北山西南過魯縣北又西過瑕
邱縣屈從縣東南流潞水從東南注之又南過
平陽縣西又南過高平縣西洸水從西北來注
之

以下入今
魚臺縣

又南過方與縣東荷水從西來注

之又屈東南過湖陸縣南涓涓水從東北來注
之酈氏云荷水卽濟水之所苞注以成湖澤也

而東與泗水合於湖陸縣西六十里穀亭城下
俗謂之黃水口蓋以黃水注於荷故因以名焉
又云泗水又東逕郗鑒所築城北又東逕湖陸
城東南昔桓溫之北入也范曄擒慕容忠於此
泗水又左會南梁水地理志曰水出蕃縣今縣
之東北平澤出泉若輪焉發源成川西南流分
爲二水北水枝出西逕蕃縣北又西逕滕城北
南梁水自枝渠西南逕魯國蕃縣故城東俗以
爲南鄰於漵亦謂之西漵水地理志曰其水西
流注於濟渠濟在湖陸西而左注泗泗濟合流

故地記或言濟入泗泗亦言入濟互受通稱故有入濟之文經無南梁之名而有涓涓之稱疑卽是水也戴延之西征記亦言湖陸縣之東南有涓涓水亦無記於南梁謂是吳王所導之瀆也余按湖陸西南止有是水延之蓋以國語云吳王夫差起師將北會黃池掘溝於商魯之間北屬之沂西屬於濟以是言之故謂是水爲吳王所掘非也余以水路求之止有泗川耳

水經注

府河自滋陽來於州東北蒜園入境西流至賈家莊南流逕楊家橋至塔口鋪又西流過宮村北又

屈而南至城東楊家牐又北流至城東北泲水自
北來會之西流逕城北至菜市抱城南流於城西
夏家橋入馬場湖初府泲合流南出天井入運後
築楊家埧遏之入馬場湖而天井之流絕今始改
埧爲牐酌水大小以時啓閉其餘波合泲筆泉於
任城牐之南入運亦非天井矣河在州境長六十
里

泗水分流自金口牐河入府城而西至西門外
納闕黨蔣翊等七泉水合而成流謂之濟河以
其通於濟寧也濟河至城西十里過土樓牐又

西爲杏林牐又西凡六十里至濟寧城東合於

洸水

兗州府舊志

吳樞曰府河原極淺狹自楊家水口築埧之後全河之水皆西入馬場湖伏秋漲發奔流湖不能容旁溢四漫而各處出水之道又復淤阻新店之減水二牐更廢無存諸水無宣洩之路此東鄉之水患所以不免也

牧濟錄

距州東北四

當作二

十里曰吳泰牐二

當作一

十里

曰宮村牐又有牐曰馬驛橋皆以分殺洸水之潦發者是爲減水三牐俱屬在城兼轄今廢不

存以俟考

全河備考

按王瓊漕河圖志謂宮村去城遠吳泰近而

州志圖則宮村近吳泰遠

一作五臺

志是也

二牌至元

中建萬歷四年毀今府河南有宮村舖去城十里

二牌瀉府河者也

孫氏舖牌在城東三十里

舊志

○明鄭與僑開楊家埧議濟寧南門外漕運咽喉

也建立兩牌曰天井曰任城天井地勢高亢全

賴洸泗二水以濟之洸水發源徂徠山與汶水

合流至寧陽石梁口支分而南會蛇眼金線諸

泉直趨濟城東北泗水發源陪尾山至兗州府

城東金口埧支分而西穿府城趨濟城正東正

德時洸水由城北越城西至西南角會通舊志誤通濟

橋入運泗水由城東轉城南至古南池觀瀾橋

入運兩水環抱如玉帶然先祖中憲公修儒學

碑記之極詳可考也

見下會通橋

嗣則二水亦時有

分合大要旱則令合潦則令分亦權其宜而已

至崇正末戎馬生郊因城西北兩面無險可恃

官紳公議築埧於楊家口攔洸泗二水全匯城

之西北一帶汪洋使敵人不得直抵城下原從

守城起見非爲漕運計長久也及順治初年大

司馬楊公初到地方見城西之水汙漫無歸於
狀元墓南開小河一道引水入馬塲湖以備天
旱之用但濟城形勢北昂而東西南三面俱下
洸水來自東北地勢相等故前人特開長河引
之西行若泗水來自正東激之北上若登山然
所以楊家埧一築之後夏秋間泗流上源如小
店上下等處恒苦氾濫淹沒民田無算是有用
之水反成無窮之害違其性也議者謂楊家埧
宜開然開埧之議正未易言天井隄勢如建瓴
重運逆挽而上已覺費力再加以二水併流浪

頭汹猛益覺難前萬歷年間每遇伏水大發日
挽不過數舟弊坐此也且二水俱由山來各帶
泥沙會於天井水去沙留每歲挑濬大費人工
大司馬楊公晚年有開埧之議欲建滾水石埧
於馬驛橋南正慮沙之爲害思有以障之查城
東北有林家橋一座在洸水之南泗水之北距
楊家埧僅兩射餘此橋石砌堅固爲今之計莫
若將楊家埧土塞橋之空處再濶而堅之令洸
水仍由城北城西至會通橋入運泗水仍由馬
驛橋下轉至古南池觀瀾橋入運復正德年間

玉帶之舊從來治水之術取其順不取其逆欲其分不欲其合分則力弱順則怒平不易之經也此議一行兩水皆有益於漕而民間淹沒之患亦免所需人工有限或於馬驛橋或於浮橋改建一牖石塊粗備基址亦堅事半而功倍楊司馬挑濬小河仍不廢當洸水有餘之日亦可分注入湖一舉而數善備或可備採擇云

確菴藁

楊家埧在濟寧州城東泗河之水貫兗府西流合洸水同經此口南入運道原未嘗設埧正德間因劉寵之亂築埧引水西繞以爲濟城外護

始有埧基然事平卽開仍得通運自明季崇正十七年流寇猖獗東省震動於是復築此埧障水護城此一時固圉之計至今未改每遇伏秋水漲不能洩瀉入湖兩岸民田大受淹沒之害且泗沆之水爲此埧所遏由夏家橋入馬場湖而後濟運其道反迂不若改埧爲牐時啓時閉急則借以濟運緩則儲以待用而民田無淹沒之虞矣

全河備考

楊家埧自總河楊方興已經堵閉祇因濟寧紳衿士民潛謀馬場湖湖地肥美盡皆佔種故楊

家埧時常盜開楊家埧一開而西湖之水涸矣
今議必爲嚴禁如有盜開者卽以盜決河防論

居濟
一得

洸府兩河合流由楊家水口出天井自建埧遏
塞折而西流入馬場湖湖不能容乃有決溢之
患康熙三十四年適運河水微糧船難行余見
河督于公力請開楊家埧以接濟漕運卽日開
撤彙疏題明在案余復爲酌劑於埧南馬驛橋
修牐設板水大則洩水救農水小則閉之以畜
水待運但兩水一發俱出天井牐勢甚大恐糧

船上牕費力舊馬驛南篦子市原有減水埧一座復於故處重爲修設水大則過埧分流一出通濟橋一出關南小埧口以殺其勢第府河甚淺狹洸河亦廢隄防每水發卽見漫溢應將府河挑浚深濶洸河修築隄岸則兩水安流永可無虞○洸府二河合流出楊家水口其勢甚猛雖有篦子市減水埧猶宣洩不及每年常至漫溢欲於水之南東岸再建一石埧分洩水勢由太平橋德勝橋與篦子市埧水合流入運河苦經費無出適有貢生閻大成者慨然捐金二百

四十獨任其事余卽詳明給匾嘉獎勒石以記

牧濟錄

府河北岸班村迤西有溝形二道迤東有五家

溝一道又沙蔣溝一道蕭家溝一道俱疏銷於

滋陽境羅河漫出太平溝

一名思泥溝

三元溝之水

歸府河

文卷

林家橋在宮村跨府河

兗州府舊志

馬驛橋在城東跨府河

泉河史

按馬驛橋一名泗水橋

濟民橋在馬驛南正德三年主事董器建

泉河史

五里營大橋在城東五里有鳳陽府知府州人

李明易碑記

採訪

望仙石橋在北門外

舊志

夏家橋在西門外

全上並跨府河

三控橋跨馬場湖府河口康熙年重修原名便

民橋有明萬歷四十年知州唐世柱碑陳伯友

記

按控當舊空今從碑

大將橋在城東八里

舊志。此洩府河漫溢之水入陂詳後

洸河自滋陽縣界於州東北二十里入境西南流

至夏家岡南流歷黃垞至城東北謝家營之東南與府河合流入馬場湖

元時于汶水之陰堽城之左作斗門遏汶南流入泗謂之洸水明成化間於新堰鑿河十餘里南入於洸從高吳橋西南入州境會泗水遶城入天井輝濟運崇正十七年濟寧衛指揮張世臣築楊家埧改由城北而西自夏家橋入馬場

湖舊志

洸水本汶之支流也自寧陽縣東北堽城埧分流西南逕寧陽西三里又南逕滋陽縣西南又

濟寧直隸州志 卷四 地理志 三
西南流至濟寧州天井牖入運河水經注洸水
上承汶水於岡縣西闡亭東爾雅汶別爲闡其
猶洛之有波矣西南經盛鄉城西又東逕寧陽
故城西又南洙水枝津注之又西南逕乘邱縣
故城東又東南流注於洙水寧陽縣志元初於
堽城左作斗門遏汶水入泗於是洸流始盛至
元六年以奔流衝激泥沙填淤乃議濬之自牖
口至石刺以通其源又自石刺至高吳橋南至
王家道口凡五十六里有奇以達其流而洸河
復治二十年會通河開北自奉符爲牖以導汶

水盡入於洸東會泗水出於任城之會源隄而始分明永樂九年又築隄城埧以遏汶水惟埧南官莊河入洸洸流始微成化十一年主事張盛復爲埧城石隄稍分汶水支流以入於洸逕寧陽西南兩崖之間有東西兩隄以備蓄洩南滙蛇眼諸泉流入滋陽於是洸水入漕之流滔

滔不絕矣

一統志

吳璉曰洸河之水次於府河惟楊家水口閉則與府河交入馬場湖每至兩水並漲而諸窪積水滙入馬場者十之九入蜀山湖者十之一其

間各地方率多淤梗不能曲折通利而五里營之減水牌亦多堙廢安居十里營二減水牌又每築塞以蓄水濟運不能以時啓放蜀山湖之金線利運二牌亦蓄洩失宜湖堤每歲致決諸水旣無行道又無出路此北鄉水患之所以不免也

牧濟錄

洸水流入滋陽有二水入之其一東北諸山之水會而西流謂之官莊河其一西北諸山之水會而東流謂之漕河皆至高吳橋入洸又西南

流至濟寧會沂泗二水於運

兗州府舊志

按水經注洙水自卞與泗亂流西南逕魯縣

之北今曲阜分爲二流北爲洙瀆南則泗水今則

北爲泗南爲洙洙水西北逕孔里又西南枝津出焉

枝津至寧陽故城南城在今寧陽縣南入於洸水洙

瀆至乘邱故城東南城在滋陽縣西北洸水注之故

洸水先納洙枝津次入洙瀆至高平縣西城在

鄒縣之西南入泗

王元啓曰晉穆帝時兗州刺史荀羨自洸水引

洸通渠至東阿征慕容蘭是時洸水已爲運道

太和中桓溫北伐掘渠通濟後劉裕西入長安

又廣其功

濟寧圖記

廣惠橋在城東北十里洸水之東宏治時建

萬歷

志

明劉概廣惠橋記畧濟爲古任城西有大澤餘
三面亦多卑濕每夏秋霖雨連作橫汙瀰漫望
無涯際郡東北十里許厥土惟下嶺陽山一帶
行潦趨於此滙潴旣大決入於洸其道橫截大
塗當是時驅者載者徒者病於淖鄉善士侯剛
邵潤者相聚以謀鳩工跨水道東西爲橋基於
兩涯而架過其上廣尋有半長四尋中爲門以

過水高尋之半門者以磚基者架者皆以石稍南去里許又爲小橋一始於癸亥八月訖於明年甲子十月橋旣成名之曰廣惠

會通橋在南門外洪武四年建

泉河史

按會通橋本跨洸水泉河史洸水自城東北分兩支一會府河出天井一西流環城而南至分水廢牖之西入於運其跨河之上者會通橋也又鄭真學碑記昔洸水不會府河亦不入馬場湖由城北轉而西又南流出會通橋入汶水至濟安之草橋東流至觀瀾亭始

與泗水會

卽府河

下天井環城抱繞若玉帶然

牛頭河上承荷澤寶珠口之水下流又受引河

乾隆

三十一年開

所洩南旺以南宋家窪之水於州西南四

十里自嘉祥縣流入境東南至吳家莊南岐爲南

北二股旋復合流至王家口西岸納顧兒首藉二

河入魚臺界在州境者一百里至魚臺場塲口入

漕明史地理志一名塔章河或又作塔張初納南

旺湖芒生牐之汶水至永通下牐又受永通上牐

所洩運河之水今二牐久閉明時亦於此行運故

有牐有淺皆設夫後皆廢

明洪武元年河決曹州雙河口流入魚臺命徐達開塌場口入於泗以通漕此卽牛頭河永通牐河道也又雙河口一曰濰河黃河自曹縣入山東境至曹州城東折而北流分爲二支其一支入於雷澤其一支入於鄆城謂之雙河口黃陵岡旣塞涸枯不常雙河水又東南流爲牛頭河經嘉祥濟寧至魚臺塌場口入漕牛頭河由濟寧西二十里首受永通牐洩出漕渠之水注耐牢坡至魚臺塌場口牐廣運牐而出入於舊渠蓋黃河故道也明初用兵梁晉開此渠以

資運道故建永通牐於此正統以後防塌場口
之潰故建廣運牐於南漕渠水盛由此行舟黃
河自曹州雙河口來亦由此入運渠北徙河水
南流此河與故渠同塞邇年鉅野陶嘉四縣泊
水來自西北曹單城武金鄉四縣泊水來自西
南皆是牛頭河出鈞勾嘴由舊運河經穀亭沛
縣至留城入運下流阻塞漫爲巨浸韓莊河支

渠蓋欲洩此也

兗州府舊志 黃哲曰洪武辛亥夏六月工部主事仇公中書

宣郎觀公奉旨按行黃河北環梁山逆折西至鉅野曹濮達盟津發民疏浚淺壅俾通糧漕予亦承乏分領東平之役濟寧則有守禦千戶張將軍董其事焉諸公偕會梁山余記元年春奉

命汴河北來時兵始襲汴舟師踰彭城北入汴
南塔張口汴漫流而西三年余朝京師道出其
左則塔張之津已淤舟之汴洛者北趨戈泊口
任城開河闡西以行今由梁山則迂其故流又
及千里矣且晨夕遷徙無常漕舟苦焉蓋其瀾
漫奔決能困兗豫徐冀數州之民而深不足引
舟漕有司常具舫尋源標幟以前導翊日則又
徙而他流矣塗路朽壤流沙數百里間篙楫舂
鉅無所施其功故議者欲上聞有復堰黃
陵岡之舉噫此元季之覆轍何足與議哉

乾隆二十九年魚臺縣知縣馮振鴻開南陽岔
河以達西北坡水自是牛頭河水由岔河以歸

南陽湖而釣勾嘴以下之故道廢

兗州府志

吳樞曰牛頭河上源舊通芒生暉永通暉萬善
橋三路之水南旺湖水從芒生暉入牛頭河自

河淤塞水不南下因將芒生牐永閉乃汶上之民欲洩南旺湖水并欲洩連湖之宋家窪水未悉南北水勢高下情形不顧利害屢屢條陳請開上源豈非以鄰爲壑蓋牛頭河下流八龍灣廟道口等處久已淤斷不通卽永通萬善之水尙不能容洩而况南旺湖一瀉建瓴而下勢且十倍牛頭河堤岸立見崩潰西南一帶莊田皆涖而爲湖民其魚矣欲放牛頭河上源之水必先將牛頭河下流梗塞之處盡爲疏浚深通乃得順流暢達無阻如下流未通則上源之水斷

斷無開洩之理也

牧濟錄

兵備使章公

輅

云吳氏此條未確如去年雨水

稍大嘉祥長潭河及金鄉御溝河水漲漫亢父城東北俱成澤國而宋家窪初無積水此牛頭河以下不因宋家窪爲患之明証又廣運牖以上橋梁甚多每橋之上下水面高卑二三寸至新挑河橋以上至宋家窪又約七八十里以每里高四寸爲率計之宋家窪應高新挑河二丈有餘是牛頭河亦不能阻遏上游諸窪之水今宋家窪以下引河現已挑浚窪水已涸未見其

以鄰爲壑皆臆度之詞且吳氏意主南旺湖而言宋家窪亦不甚重後人不得以此藉口

牛頭河牐四曰廣運上牐地名吉家淺屬魚距臺

廣運北八里曰廣運下牐地名釣勾嘴東距南

陽牐一里曰永通下牐一名明鏡北距永通三

里成化十一年建曰永通牐卽耐牢坡距州西

二十里洪武四年建泉河史○永通本名校堤集

牛頭河淺二十曰廣運曰馬家曰梅家曰吉家

曰張家以上屬魚臺曰夾灣曰六留曰張家曰夾河

曰永通曰禮義曰大河曰談家曰王貴曰王家

曰馮翟曰邢家下曰邢家上曰牛頭河曰塌塌

口

全上

明商輅永通河牒記畧今漕運總兵平江伯陳
君銳故平江恭襄公會孫自兩廣總鎮移董漕
運頃至濟寧見運舟上牒之難因以所聞耐牢
坡舊河詢之居民有進而告者曰是河不通舟
楫已踰百年宣德初恭襄公嘗命工疏浚未及
成而公捐館至今人猶惜之君乃躬詣相度遂
會總督漕運都憲李君裕移檄山東管河副使
陳君善通判陳翼出公帑之積鳩工市材自耐

牢坡至塌場口計九十八里其間石橋土堰灘
淺淤塞一一疏之耐牢坡口舊有減水牐移進
二里許改置大牐又增置塌場口牐以節下流
之疾於是水勢平夷舟行便利因改耐牢坡河
口永通河牐曰永通牐其新設塌場口牐曰廣
運牐牐各有廳皆三楹一軒翼以兩廂拱以門
樓衛以垣墉挽舟有具供役有夫經始於成化
乙未春二月畢工於是歲夏五月事聞朝廷特
設牐官蒞之蓋是河故蹟郡志載至元六年黃
河水溢自曹縣界東北流瀦鉅野澤從東南經

嘉祥縣蓮花池抵古濟州以西二十五里爲耐
牢坡南經魚臺縣大塌場入會通河卽今運河
當時江南舟楫俱於此經行洪武戊辰河水復
溢而此河因塞自魯橋以北皆舍舟從陸設爲
車站永樂辛卯復命大臣疏濬河道止從近州
牐河用工而是河遂廢夫廢於前而興於後果
誰之功乎於是漕運中都留守把總都指揮高
興南京各衛把總指揮徐昇輩相率來徵予文
立碑示久遂次第其始末爲記

陳夢鶴視工永通詩茲牐何年創漕分濟水潔

地形天設險禹跡古人功疏鑿重經始名標舊
永通萬方供正賦航海屬登豐

長澹河上承嘉祥之澹臺河於州西四十里入境
爲急三道河東南流至張官屯爲苜蓿河逕亢父
故城北又東與顧兒河合又南流至王家口入牛
頭河在州境長六十五里雨則水盈旱則水涸

按長澹河長一作常通志以爲卽南清河之
隨地異名詳後

吳樞曰苜蓿河羅家河皆受諸坡之積水東西
分注於牛頭河者也苜蓿河淤而急三道諸水

汜濫矣羅家河淤而平流諸窪停積矣且牛頭
河廣運脾以下八龍灣廟道口等處皆梗塞不
通上有來源而下無去路反致南陽倒灌而上
水勢日高堤防亦日增高即使苜蓿河羅家河
並已疏通其出口處地形反低亦不能會衆水
以達牛頭河總之西南之水惟藉牛頭河爲宣
洩今下流淤澱已甚此西南二鄉水患所以不
免也

牧濟
錄

金山河歷鉅野嘉祥金鄉三縣於州西南五十里
入境爲顧兒河東流逕亢父故城南又東與苜蓿

河合東南入於牛頭河今亦淤矣

金山河自鉅野縣章縫集匯水東流逕谷家莊
閻家橋又東南逕邢家窪金山窪遶金鄉山至
唐家窪入嘉祥縣界爲蔡河又東流逕滿家峒
北逕胡水窪又東至翟家口入金鄉縣界又東
逕齊家橋至談家橋入濟寧州界爲顧兒河又
南逕亢父故城會苜蓿河至王家口與牛頭河

會

通志

平流河在州西南二十里無源而地下又北受運
河堤滲出之水故四時不涸餘波南溢於夏葩窪

由羅家河入牛頭河

羅家河在州南三十里

吳樾曰安居十里營等處之水皆經平流河合

新店諸窪由羅家河從李家口而入牛頭河

牧濟

錄

濟水有三四瀆之濟一也府河一名濟二也又泗水縣東一里發源珍珠泉北流入泗者三也府河因州得名州則以四瀆之濟得名然按水經注濟瀆不在今州境因今之濟州非唐宋金之濟州也惟古有黃水爲濟水荷澤分流之別名逕亢父之西又南流合於荷水荷水下流亦在今州屬魚臺

境然黃水之迹則已不可尋矣

濟水至乘氏縣分爲二其東南流者過乘氏縣

南又東過昌邑縣北又東過金鄉縣南又東過

東緡縣北又東過方與縣在魚臺界北爲菏水又東

過湖陸縣南東入於泗水酈氏云南爲菏水北

爲濟瀆菏水過方與逕金鄉城南又東逕武棠

亭北又東逕泥母亭又東與鉅野黃水合菏澤

舊誤澤爲濟非別名也上承鉅澤諸陂澤有濛淀盲陂

黃湖水東流謂之黃水又東逕鉅野縣北又東

南逕任城郡亢父縣在州境又謂之桓公溝南至

方與縣入於蒔水又東逕秦梁夾岸積石一里

高二丈言秦始皇東巡所造

水經注

南清河自蒔澤縣雙河口分支東流爲清河南

此南

濟也卽水經所云南爲蒔水

南受定陶縣諸水東北流逕清

浪集李家莊至許家樓入鉅野縣界爲閭家河

東北至支家屯有蔣家河水入之

河詳定陶縣

又東

北逕董官屯橋田家橋天鵲泊雙碑泊李家橋

邵家口薛家橋又遶城而北逕瀦水口蓮花池

石碑泊坂魯口至安家橋南有黃沙河水入之

黃沙河詳鉅野縣

又東南流分而爲二一支東流逕蔣

家林馮家莊至獲麟集入嘉祥縣界又東南逕

楊家橋至丁家樓一支東南流為薛公新河逕

姚家橋至陶官屯

鉅野縣境內行一百五里凡諸河逕行州縣有不載里數

者皆係上源故道紆折斷續不便遽定也

入嘉祥縣界遶種火山至

馬官屯二流復合為一東逕丁家橋為澹臺河

又東逕澹臺橋于家橋陳官屯

嘉祥縣境內又行三十三里

東南入濟寧州界

俗名急三道河

又逕錢紀屯至紅廟

屯喻官屯張官屯為苜蓿河又東南逕劉家屯

會顧兒河至王家口與牛頭河會濟水故瀆自

荷澤縣寶珠口入鉅野縣界為安興墓河東北

入鄆城縣界折而東至龍母廟有北行故道此本

北濟由鄆城縣城東七里鋪柳條園下注安山湖詳前北條水為土埧所塞遏

之東流逕栢林鋪御屯黃堆集又東南至紙坊

入嘉祥縣界本黃河決道東至萬善橋左接芒生牌

洩水故渠芒生牌在南旺湖南設以洩漲今塞為小黃河南流逕

王家橋至李家橋入濟寧州界又南逕第八屯

至新挑河有永通牌洩水入之永通牌在濟寧州運河通濟牌

之南洩運河溢水西注折而南入南陽湖又東南入耐牢坡逕河長

口橋唐家口橋至王貴屯橋為牛頭河南至王

家口會苜蓿顧兒二河之水又東南逕劉家橋

入魚臺縣界又南逕張家莊至廣運牐即場口又

南逕梅家莊李家橋至柳溝河口與柳林涑河

二水會合流南入舊運河舊運河上承鉅野

嘉祥荷澤曹單定陶城武濟寧金鄉之水會於

柳溝河入釣勾嘴在南陽湖西有馬公橋逕玉皇廟至穀

亭鎮入舊運河又南逕八里灣牐白塔寺鷄鳴

臺沙河橋湖陵故城至安家口自北田寺至此行一百六里

入江南沛縣界南注塔具湖又東南至夏鎮西

之李家口入微山湖一支西南逕西柳莊留城

黃家牐至荆山橋又南由泉河至貓兒窩入運

一委東南滙湖水由滕縣之湖口肺在韓莊之南

入運河

以上通志

按水經注所謂南濟北濟胡渭謂其分流在滎澤之東而北濟又分爲濮水於荷澤之東復合至乘氏以下又分爲南北二委北爲濟瀆南爲荷水荷水所經在今之鉅野金鄉魚臺之地水經所述已非禹迹至黃河南徙運河北開濟水故道益不可問況河決不常曹堯之交皆其縱橫之區乎通志述諸水源流甚悉必如此而後牛頭苜蓿顧兒三河之源流始明然或竟以爲

南濟之下流則不可耳。○又按禹貢錡指濟古文作洧說文從水從弟注云兗州之洧也從水從齊注云出常山房子縣贊皇山則此當作洧但自昔相傳不敢改易

乾隆四十九年十一月漕運總督毓公奇巡撫明

公興會奏東境水利工程疏云竊臣等欽奉

諭旨勘辦微山等湖上游水利各河渠疏濬等事臣明興

當卽馳往各處遍行履查臣毓奇於到東後亦卽

由臨清馳赴運河迤西各州縣逐一詳加履勘已

將查過實在情形先後奏蒙

等逐一會同商權除將佔挑韓莊上下及八陣
工程另摺會

奏外伏查東省運河西岸南陽昭陽二湖係承受上游
曹單城武定陶鉅野金鄉魚臺等處坡水及汶上
嘉祥濟寧各州縣之水由舊運河歸湖下達微山
湖瀦蓄自乾隆四十六七年間豫省曲家樓黃水
下注由東境曹單一帶直至南陽湖西岸而是時
諸河並漲一經清水頂圍勢卽散漫沿路停淤所
有舊時之支幹各河半多淤墊須亟爲疏治庶雨
水過多之年上游坡地不致久淹下游各河更可

得暢收之益今查各處幹河之最大者曰中渠南
渠河該河在定陶本分二支至城武鉅野合流爲
萬福河至金鄉爲柳林河又合新挑河至魚臺入
新開河歸舊運河一曰北渠河自定陶至菏泽爲
洙河至鉅野爲瀦水河至嘉祥爲澹臺河至濟寧
爲長澹河由牛頭河歸舊運河一曰夏月河從曹
縣楊園堤口起至城武入新堤河至單縣入樂成
河至金鄉入新挑河合柳林河入魚臺新開河歸
舊運河一曰白花河從曹縣春木寺起至城武入
桶子河至單縣入八里河歸樂成河亦遞入于魚

臺之舊運河又查趙王河自曹縣紙房集起歷荷澤濮州鄆城北流另爲一路至壽張沙灣口入運由東岸五空橋滾水埧洩入大清河歸海至該河中段係自鉅野分支至鄆城一帶其尾段至嘉祥之白蓮花寺地方另以汶上宋家窪坡河之水爲來源至濟寧入牛頭河匯歸于魚臺舊運河以上諸河或同爲一泝而因地殊名或各爲一河而支分幹合總以舊運河爲尾間由此歸入南陽湖其迤南又有馬連河歸入昭陽湖此曹單以下各河歸湖之原委也臣等公同籌議現在諸河除荷澤

濮州定陶等處俱屬通順其在曹縣單縣城武境
內者現有新冲河身與舊河間段通連卽可由此
達彼作爲幹河至趙王河頭北流入運一股並無
停蓄之區祇係水大時分洩泛漲無關濟運其中
段在鄆城分支之處久已淤墊且地形甚高卽水
大之中該河左近民田亦無妨碍均可無庸估辦
外惟有城武至鉅野之萬福河金鄉之柳林河新
挑河魚臺之新開河舊運河因從前黃水漫注地
處下游河身盡淤而濟寧嘉祥地方係漫水倒漾
所及是以趙王河之尾段與牛頭澹臺等河亦多

淤墊今將各河身受淤之處全行估計挑挖口寬三四五丈底寬二三四丈挑深三四尺不等其舊運河馬公橋一帶爲諸河分流匯入南陽湖之處必須大加估挑口寬二十丈以資吞納至馬公橋以下卽爲昭陽湖其西岸舊有馬連河因舊運河迤南之水歸湖然其路稍紆水大之時尙恐宣洩未暢今於馬公橋下添斜挑新河一道長六百丈其口底自三十丈以至十二丈不等使河水由此徑捷入湖仍酌疏馬連舊河以脩多路分消更資暢達又查南陽湖以北舊有橫埧一道計長一千二百餘丈爲湖坡分界之地今上游各河之水入湖旣暢必須將橫埧加築高

寬攔蓄湖水使之盡達下游不至倒漾入坡淹及民田再查各處橋洞亦多淤積今已于估挑各河身之內一并接連疏導無庸重複另估以節錢糧以上疏濬各河及斜挑新河等工統計工長四萬九千五百四十二丈修築橫堤長一千二百六十丈通共計土六十六萬一千二百八十餘方估需銀五萬五千二百十三兩零應請照數動撥司庫銀兩多撥幹員會同各該州縣廣集人夫于明歲春融之時分投趕辦其挑河之土俱令堆于西岸卽勸諭附近鄉民界加夯砌作爲堤埝如該河挑深四尺者加以堤高一二尺將來卽可容納五六尺之水既不致漫及民田而于

束水歸湖之道更爲有裨至此外尙有曹縣之順成
河城武之冉家河單縣之涑河嘉河鉅野之蔡河金
鄉之金山河濟寧之顧兒河均屬支流現俱通順其
中稍有淤積應與該處之岔河小溝及上游新冲河
身內間有未平尙須順勢之處俱令該管州縣勸用
民力自行疏導臣等現將此項工程責成運河道沈
啓震兗沂曹道高璐總理查辦並派曹州府曾廷樞
東昌府同知龔孫枝泉河通判馮鵬飛及試用知縣
楊英會趙大漚等分路查催臣明興仍隨時往來查
看臣毓奇卽遵

旨於明春專駐該工嚴加督催會同驗收務期春夏之交一

律趕辦完竣仍俟工竣之日臣等會同確核造冊咨部

題銷如此分別估辦庶伏秋雨水盛行之際自曹單以下綿延數百里之水無不順流而下由支及幹暢歸于湖濟運便民均收實效以仰副

皇上厯念河道民生之至意臣等會同勘估東境各州縣水利河渠土方銀數緣由與河臣蘭第錫往返札商意見相同理合繕摺會奏並繪圖貼說恭呈

御覽伏祈

聖鑒

馬場湖在城西明時令民養馬故有草場湖因以名音

或訛爲厥一曰馬常泊一曰任湖一曰西湖一曰西塋
一曰蓮池陂周六十里其西南兩岸抱運河舊有三斗
門曰五里營十里舖安居舖今五里營之斗門廢明初
與汶水之支河通又舊有馮家埧滾入蜀山湖之水今
則蜀山之水涓滴不入專蓄府洗二河之水與汶無涉
矣 國朝雍正九年曾修築堤岸又乾隆四年自田宗
智起至火頭灣北運堤止增築圍堤二千五百七十九
丈

永樂戊午工部尙書宋禮言會通河以汶泗爲源夏
秋霖潦泛溢則馬常泊之流亦入焉汶泗合流至濟
寧分爲二河一入徐州一入臨清河流淺深舟楫通

塞繫乎泊水之消長然泊水夏秋有餘冬春不足非
經理河源及引別水以益之必有淺澁之患今汶河
上流自寧陽縣堰城隄已築堤堰使六水盡入新河
東平州之東境有沙河一道本汶水支流至十路口
通馬常泊比年沙淤宜趁時開浚況沙河至十路口
故道具存不必施工河口當浚者僅三里河中築築
堰計百八十丈從之明太宗實錄

馬場湖東自田宗智莊至五里營計七里二分八厘
南自五里營至安居計十一里四分自安居至
頭灣計十里三分北自火頭灣至李家營計五里八分
分自李家營至田宗智莊計五里八分

馬場湖原受蜀山湖之水者也由馮家滾水壩入湖故於五里營建束水堤一道以蓄水又建減水牐一座以洩水又於十里舖安居各建減水牐一座以備蓄洩此古制也自馮家滾水壩堵築開五里營堤口而馬場湖乃不受蜀山之水而受府河之水矣府河卽泗河也旣引泗河之水入馬場湖自應於馬場湖內開河一道於大長溝開一泗河口放水濟運如南旺汶河口之制則泗水始爲有用矣以泗水濟南運以汶水濟北運而北運之水自無不足之患矣

居濟
一得

馬場湖自濟寧衛界起至運河堤止長十二里

七分六釐

文案

龍拱橋在城北

舊志

陂石橋在城西北二十里

全上

馬場湖之北自文家莊至長溝築隄一道中有
陂石橋上通二十里鋪龍拱橋爲諸水入湖要
道再南又有自樊淨堦堆至白嘴堤路一道所
留橋門甚窄不能暢達有曠山老僧愍拙真誠
可托令其募貲改作有原任溫州衛守備劉巖
倡捐改造多留橋空挑浚梗淤此後西北鄉之

水患庶可免矣

牧濟錄

明李迥濟州西湖詩渺渺澄湖望不窮畫船呀

啞夕陽中千峯突起嶙峋碧一鑑清涵漱灩紅

鴉背浮金歸古戍雁行如字寫晴空玉簫吹徹

遊人醉十里荷香送晚風

此詩見兗州府志與王通十景馬場夕照

詩前半同今兩存之王通詩見卷二十九

張耀樞湖干日晚詩人踏湖上雲鳥浴湖邊水

人倦鳥亦還目斷湖烟紫

鄭與僑周曉人招遊馬場湖詩乾坤何處是清

涼獨有湖光許寄狂八月蒲荒能隱棹半秋菱

老可隨觴投閒適
恆蓴鱸興遯跡宜
紉荷芰香

攜得離騷堪下酒
篇篇忠憤對斜陽

以上明人

于鵬圖秋日城西堤上望湖詩
萬柳背城齊郊原手重攜
遠山當水翠晚路入雲迷
湖近游魚去溪平過燕低
不禁秋欲暮落日大荒西

石麟秋日湖上詩
澄湖如練彩霞開
日落霜酣雁字迴
幾處棹歌喧野浦
却驚一片白雲來

周大樞陪諸父泛舟任城西湖詩
從父作牧古

任城

謂十叔父道濬

心跡雙與湖山清
公餘出郭攬勝

概蘭舟載客烟波行
一門叔父韡棣萼
談笑揮

塵清風生湖光漱灩接天碧此地亦以西湖名
漕河北去藉蓄泄帆檣隔岸飛交橫人家掩映
出垂柳西南數岫青崢嶸十頃琉璃瑩見底細
藻裊裊縈圓萍縱橫魚蘊繞千尺層舳出沒飛
鳧輕水仙萬蓋擎碧玉窈窕羅襪凌波明紅粧
翠袖來雜還欲語不語爭逢迎古來牧守有讌
賞往往攜妓司杯觥官箴卽今允度越絲竹聞
寂無歌聲未妨河朔暫避暑碧筒象鼻還爭傾
半酣憑艦看舉網元鯽撥刺鮮宜羹荷香觸人
雜酒氣入座欸欸飛蜻蜓惜無亭臺餽妙景州

人絕少登臨情吳中虎邱一片石士女終日吹
簫笙杭州西湖擅名久勝地不獨跨山屏固知
淳朴俗易理但恨負此清澄涵夕陽欲落催轉
棹紫翠萬狀連郊坰塵襟暫滌不忍去騎馬歸
來月滿庭

盛金秋日登鳳凰臺眺馬場湖詞

望湘人

上高臺

凝睇十里澄鮮平湖朗徹如鏡孤鶩飛來落霞
散去一色長天相映何處歌聲短蘆蕭颯暗藏
漁艇耐秋風菡萏殘紅却共蓼花清冷應識伊
人宛在奈蒹葭霜老扁舟難認只衰柳荒堤畫

出晚秋風景蒼烟暮相思萬縷便折芙蓉誰贈
恨一幅泠泠空波隔斷天涯芳信

南旺湖爲濟寧運河之上源占汶上濟寧嘉祥三
州縣之地汶水之所瀦水經注所謂茂都澱水西
南出謂之鉅野溝是也本受汶水支流至明築戴
村埧始全受汶水矣其東有湖曰蜀山湖堤屬州
境者南旺湖自王家路口至馬家廟計長八里七
分有奇蜀山湖自獲麟莊至汶上縣界計長三十
七里三分乾隆三十七年奏明借動司庫銀兩修
築自汶上甘公碑界起至嘉祥天仙廟止實共長

九千一百八十三丈西南有芒生牐洩水入牛頭

河今廢

以下三湖與馬場湖相表裏且與州境相錯故類敘焉

南旺湖跨漕運東西其東湖跨汶河南北南曰

蜀山北曰馬踏圍百五十里原係水櫃嘉靖二

十年定立界石除豁稅糧以杜侵占周圍種柳

以防盜種東自大晏橋起由小河口至秦家舊

牐計長三十里南自秦家舊牐出田家營至孤

柳樹西界計長四十六里西自孤柳樹起出宏

仁橋至北界計長三十四里北自宏仁橋起跨

黑馬溝出苑村至大晏橋石界止計長四十里

泉河
史

南旺湖在汶上縣西三十里宋時與梁山灤水
匯而爲一周圍三百餘里明代周圍九十三里
漕渠貫其中湖分爲二東湖廣衍倍於西跨汶
南北南曰蜀山北曰馬踏三湖其初則一湖也
全形北高而南下萬歷間周圍渠堤凡一萬九
千七百八十八丈零北接馬踏湖西北接安山
湖南接馬場以及昭陽諸湖綿亘數百里於五
水櫃之中前代以南旺安山等五湖爲水櫃最當要會測其地
形與任城太白樓岑齊南北通運之脊也西湖

環築堤岸一萬五千六百餘丈既開大渠與堤並長湖內復縱橫穿小渠二十餘道聯絡引水入漕東湖以東地勢漸高無煩防遏止植柳墜石以封疆界南至長溝小河口蘓魯橋北至田家樓受水之處亦堤而渠之視七湖工又倍之今湖身日淤彌望民田舊制不可復問矣

朱國盛治

河書

南旺湖在運河西岸周廻九十三里圈堤一萬五千六百餘丈湖之東隄當分水口有斗門八座減水入湖以時放水南北濟運北有關家壩

五里鋪埧二口南有十字河。輝雍正四年加修湖隄，添設斗門。輝板將關家埧五里埧改建石

輝

通志

明薛應旂南旺夜行泊濟寧詩：長安六月東歸客，黑馬溝前夜放船。楊柳月侵湘竹簟，芰荷風動水晶簾。未酬禹穴藏書計，却憶匡山種杏田。可奈塵途猶寄跡，滄浪空賦濯纓篇。

謝肇淛南旺挑河行堤遙遙河瀾瀾，分水祠前卒如蟻。鶉衣短髮行且僵，盡是六郡良家子。淺水沒足泥沒骭，五更疾作至夜半。夜半西風天

雨霜十人八九趾欲斷黃綬長官虬赤鬚北人
騎馬南肩輿伍伯先後恣訶撻日昃喘汗歸籩
篠伍伯訶猶可里胥怒殺我無錢水中居有錢
立道左天寒日短動欲夕傾筐百反不盈尺堤
傍濕草炊無烟水面浮冰割人膝都水使者日
行堤新土堆與舊岸齊可憐今日岸上土雨後
仍作河中泥君不見會通河畔千株柳年年折
盡官夫手金錢散罷夫未歸催築南河黑風口
戴沈蜀山湖泛舟詩湖邊蜀山處處清彩船如
蟻水雲橫滿天白羽千羣聚十里烟光一帶明

水氣冷於秋氣冷菱歌聲亂棹歌聲晚來漁岸

依稀火澤國人家畫不成

以上
明人

戴沂晚秋泛蜀山湖詩九月衣單製薜蘿消愁
魯酒倚高歌數叢菰米沉寒水幾處霜風折敗
荷嘹唳聲淒雲外鴈汀洲秋老岸旁莎木蘭蕩
漾斜陽晚又見歸樵帶笠過

錢菜南旺道中詩關河歷歷暮雲愁行到無邊
烟樹秋隄岸平分千櫂影神祠對控萬山流遙
看不盡滄浪興緩步真同縹緲游無數人家依
亂水明霞短芰滿汀洲

戴孫緯春日泛舟蜀山湖集唐詩上已餘風景

崔護輕舟愛水鄉孫鳥飛千點白白居易山路九峯

長孫接縷垂芳餌杜甫停杯泛小觴李賀幽哉宿山

口盧綸誰與訪高陽李靖

姚惇德蜀山湖觀荷詩二首官閣閒乘興陂塘

好放舟晴光波影亂涼氣藕花秋酒欲供攜賞

圖應作卧遊隔溪漁唱起時和榜人謳

去去不知遠輕舫貼水平路穿花逕入岸轉柳

隄迎把蓋成欹坐支筇得小行招提塵境絕雲

外暝鐘清

蜀山湖一名南旺東湖周六十五里一百二十步地千八百九十餘頃除宋尙書祭田地二十頃并

高地八頃五十三畝令民種外其餘一千八百六

十九頃四十六畝二分蓄水濟運

由永定永安永泰三斗門蓄出

金線利運二牌濟運

乾隆四十年設立子堰清理河地除宋

尙書祭田并兵夫工本各地外餘湖若干頃畝議

以所收湖租酌爲收割水草之用堰內爲湖外爲

地立石表界永禁侵佃

居濟一得叅運河備覽

蜀山湖在運河東岸分水口之南周廻六十里

湖堤自馮家埧起至蘓魯橋止共長三千五百

一十丈嘉祥汶上分屬汶水上流有收水口三
徐家埧口田家樓口南月河口河之西堤隣運
河有放水二牖曰金線曰利運雍正四年修堤
築堰並將徐家堤等三口改建石牖名曰永定

永安永泰

通志

蜀山湖圈堤坐落濟寧汶上嘉祥三州縣境舊
有堤長六千九百七十八丈乾隆三年題請帑
帑修又東面州境內蘓魯橋起汶上縣北界顏
珠止向無堤岸湖坡相連四年題請增築二千
五百九丈於汶上境內添建涵洞三洩民田陂

水入湖運河備覽

又有楊家河亦洩民田坡水遇伏秋多雨則汶上馬莊泉蒲灣泊水由此河歸湖四十年以東南堤岸單薄經河督姚公奏請砌石工并碎石坦坡共二千三百四十一丈全上

乾隆四十三年二月大學士高公晉同河督姚

公立德會勘蜀山湖疏臣晉遵

同河督臣姚立德勘得蜀山湖周圍六十五里收

蓄汶水濟運由永定永安永泰三斗門收水入湖從金線利運二單牖出水入運向年原定收

水九尺七八寸於乾隆四十年九月內

臣晉奉

命會同

臣姚立德勘明議定應以收水一丈一尺爲準

惟上年因夏秋雨少汶源甚弱重運過後湖中

僅存底水八尺經

臣

姚立德督率運河道章輅

百計疏濬并將汶上寧陽二縣原由魯溝入汶
之灤濇等十二泉設法疏導使之由春秋埧流
合馬莊一泉同入蜀山湖以廣來源始得加收
二尺二寸現在連底水共一丈零二寸雖缺額
八寸而湖面現高運河四五尺不等亦足敷用
惟是泉源大小全在雨水之多寡若遇雨水稀

少汶弱泉微恐不足恃臣等率同章輅等詳加
勘籌蜀山一湖捨收蓄汶水之外別無良策祇
以汶水發於伏秋來時甚驟消落亦速水小之
年不及多收蓋由各斗門較窄之故今量永定
斗門現寬一丈八尺進水尙利永安永泰二斗
門各止寬一丈石底亦高七寸進水較少酌議
將二處斗門各添磯心改爲二孔每孔寬一丈
八尺落低七寸與永定斗門相同較之原寬丈
尺已增倍餘并將引渠一律挑寬可以隨時多
收但伏秋水濁進水旣多湖中難免淤墊因查

三斗門以內相距湖心本遠臨汶灘上低窪之處甚多儘可容納金線牖後至徐家莊湖坡之上舊有攔水停淤土埂一道年久僅存基址今擬將此一帶土埂培築高厚并於引渠臨湖之處各建斗門一座遇伏秋汛時先將臨湖斗門下板關欄將汶水收拾灘上低窪處所俟其澄清卽將臨湖斗門全啓灌入湖中其引渠并窪處所澄之淤仍於每年冬底勘明挑挖疏治其挑起淤土或幫培子埝或移放遠處以免淤積有礙入湖水道至沿湖圈堤石工現俱整齊惟

孫邨吳家坑觀音嘴等處草工四段共長三百五十丈每年尙須修做若改砌碎石坦坡旣省歲修之繁更可一律穩固以上各工按照漕規確估計需銀二萬一千餘兩如蒙

俞允臣姚 卽咨撥司庫銀兩妥速趕辦以備乘時收蓄爲來年濟運之計並繪圖貼說恭呈

御覽

馬踏湖在運河之東汶河之北周三十四里

湖上有釣泊水滙入北湖出開河牐迤宏仁橋入運其幫湖運堤自禹王廟起宏仁橋止二千

六百六十三丈其湖堤二千三百餘丈土築以蓄汶水濟運原有北月河口王義士口徐建口

亦無子堤

全河備考

馬踏湖圍堤長五千九百六十三丈汶水上流有收水口二曰徐建曰李家口湖西隄隣運河有放水口二曰新河頭宏仁橋雍正四年修堤築堰將徐建等二口並新河等二口改建石牖

通志

乾隆二年又幫築堤二千一百八十四丈六尺臨汶口門今惟徐建口李家口二處矣

運河

吳樾曰全河備攷云馬場湖之西口爲馮家埧
長十餘丈以備宣洩此運河蓄洩之一區也又
云蜀山湖堤自馮家埧起至蘓魯橋止共長三
千五百一十丈以蓄水濟運歷歲收蓄汶水每
水大則出長溝滾水埧入馬場湖

汶民執此句
爲條陳開埧

洩水
之由

自明季久廢現從蘓魯橋陳蔡口注之又

云馬踏湖汶水漲則滙入北湖出開河牐迤北
由宏仁橋入運樾按汶水自南旺分流七分歸
南三分歸北每冬挑河築月河埧堵截汶水北
則入馬踏湖南則入蜀山湖此兩湖原係煞埧

時分洩汶水之區故全河備攷云歷歲收蓄汶水也其云長溝滾水埧入馬場湖者卽馮家埧也原謂自明季久廢今改築土埧因甃以石并一帶湖堤責成嘉鉅主簿管理歲歲加修工程達部不容蜀山湖水涓滴過埧誠以此埧有斷不可開之勢而湖堤必應保固者也乃汶上縣民貪種湖地欲洩湖水謬據全河備攷內之說屢屢條陳請開此埧殊不知湖水形勢變遷不常自當因時制宜不可執一而論也如以蜀山湖水必當洩入馬場湖則譬若昔時運道本由

牛頭河何以改行今之運河耶卽此可見不宜
執古以論今也況全河備攷但論昔時原委如
此並未嘗謂應開此埧也攷昔之馬場湖有三
埧以洩水今者五里營埧堙廢已久而安居一
埧又所洩微細十里營埧堙纔爲修復全河之
水惟賴此一埧爲宣洩猶恐氾濫之患未能一
時全除且蜀山湖大而馬場湖小蜀山湖高而
馬場湖低北鄉本境諸窪之水尙不能容納每
苦淹沒况挑河築埧之後汶水半入蜀山湖冬
水雖小而積蓄三月勢必瀰漫經春解凍益復

洶湧而馮家垠及陳蔡口一帶堤岸正當蜀山
湖偏注之要衝若輕易一開蜀山全河之水傾
注而下不特濟之北鄉盡爲巨浸卽衛境運堤
斷無不衝決者其爲害非細故也又攷蜀山湖
原有尹家溝洩水之所經前運河廳任修築石
牌名曰利運又金線牌埋廢舍而不問顧欲開久塞之垠以
隣爲壑耶夫湖水之形勢今昔不同如此而猶
欲執全河備攷之說屢謀開洩以災隣此真謬
妄之甚者也

牧濟錄

○三鄉窪水

東鄉窪水杏林莊起有河溝折而西流經元帝廟
東至汪家莊西乃分兩股一由能家營歸府河一
由班村之西南經吳泰牖歸府河牧濟錄共
十五條
栗家莊上受滋陽黃泥溝之水由魚溝河出蓼溝
坡歸新店坡

吳家灣之張家窪水由陸家橋齊家橋石橋仙家
橋出黑土店歸新店坡

吳泰牖南府河漫溢之水由赧稼村東西兩坡分
流一出五里營橋一出將橋歸新店坡

孫氏牖西一帶府河漫溢之水滙於栗家窪由蓼

溝坡橋入新店坡

泗河東九曲地方之水總出董家口支河歸獨山

湖

以上
東鄉

西北鄉窪水夏家岡之夏家窪黃家窪水由黃垞

歸洸河

耿務村大徐等地方有三大窪一曰扒魚溝由常
家橋南坡橋與龍橋出二十里鋪龍拱橋河一曰
于家泊窪連接新莊窪大徐窪由沙溝趙王河王
府集出龍拱橋河一曰溥天坡由楊家橋石家岡
經扈家橋至大務橋入孟獻坡分兩道一從師家

營由相里橋孔家河出五羊坡歸馬塲湖一從興
龍橋出龍拱橋河與扒魚溝于家泊二水皆由龍
拱橋出二龍橋經張家漚出石門坡由坡石橋歸
馬塲湖 薛家窪黃家窪大坡之水皆由房葛舖
經二龍橋出一板橋至張家漚合流姜家窪水由
李家路口出蔣家溝合流

王武村之鄭家窪由溝門岡經普家窪蔣家橋田
家小坡出長隄南小橋至蓮花池五羊坡合流

五里屯東窪水由北關外天仙閣歸外海河 石
馬窪水由寨河歸外海河俱出夏家橋歸馬塲湖

康莊驛之蕭家窪水由蘓魯橋歸蜀山湖 魏家

窪解家窪水西流入蘓家窪可引至房葛鋪高家

窪從張會家堤口歸蜀山湖 王家窪水由北堤

口入蜀山湖

以上西北鄉

西南鄉窪水大長溝之宰家窪大徐坡水俱由該
祖堤入宗家坑順運河西堤經白嘴曹井橋火頭
灣至永通牌歸牛頭河

十里營之烏龍潭并張千家窪胡家窪孫家窪郭
家窪及小流店窪郝家窪皆由平流河經楊郭莊
合新店諸窪侯家老窪之水入羅家河從李家口

歸牛頭河 常家窪薛家窪水由全家廟西歸牛

頭河

急三道上受嘉祥鉅野鄆城之水自五空橋分兩
段經臨清衛屯所過亢父城至安興集入苜蓿河
由張家堰出王家口歸牛頭河

九子集窪水亦由苜蓿河歸牛頭河

以上西
南鄉

乾隆辛酉重修古運河南岸分工保固碑記畧

云濟寧城西二十里古運河口

卽牛
頭河

有牐曰永

通蓋古運河由此自北轉西自河廢牐亦壅塞
則水不轉西而南矣南岸楊家堤歷年久遠卑

矮殘缺每伏秋坡水大至河不能容先漫溢而後冲決康熙四十八年大水堤潰里人進士張爲經同各莊人等具呈濟寧道儀封張公公差驗撥官夫四十餘名運河分府蘓公與本州趙公之鶴親臨督催又五十五年及雍正五年八年亦然其屢修而屢潰者以通力合作未嘗計丈均分也乾隆四年又決堤南張琬徐秉衡等具呈本州張公綸公亦親臨相度形勢詳閱古碣曰此南岸一線之保障宜亟築勿遲嗣後倘有毀壞處仍照前工補修毋得觀望五年春遂

行票令公差同各莊人計工均分自永通牖西
至板橋東共若干丈咸踴躍爭先不日成之堤
岸鞏固故筆之於石以誌不朽乾隆六年三月
二十日廩生湯天誠記時全性書濟西紳士公
立

按濟地西南鄉最爲窪下馬房屯諸村落恃
楊家堤爲一線長城縱使堅固保無奸民偷
毀乎月令季春之月命司空循行國邑周視
原野修利隄防道達溝瀆著以爲令蓋無歲
不修天下事無一勞永逸之理是以乾隆四

五年以後十五年二十四年二十六年三十
七年大水決隄勢如建瓴數十村莊盡爲陂
澤士民屢次告災先後如知州王今遠席芬
河院張公師載河道李公清時今河南巡撫
徐公績守州時或親臨相視或委員督修撥
官夫以助民力故徐公撫東曰村民亦嘗赴
轅呼籲公深知其害卽批檄州衛速卽興工
又令春和農隙委員督理修補思患豫防其
案牘呈詞可考也又三十一年署州篆龔公
孫枝道出安居適遇楊家堤決未蒞任卽停

車傳集民夫三日而工竣幸保無害夫不待
民之呼號而救之惟恐不急者有土者之責
也而民之自計寧反後乎若依月令之法預
爲之備亦必不至潰敗不可收拾也

○補遺

補前第十二頁鄭與僑楊家埧議後

按會通橋在城西南通濟橋在城東南確菴

鄭氏偶爾失檢于楊家埧議誤以會通爲通

濟于董園下

在十三卷名園記

誤以通濟爲會通鄭

中憲

真

學碑記

在學校

及陳太常

伯友

通濟橋記

記附本卷第五十八頁浣筆泉後

可証也

漢陽府志

卷四

三

○金鄉縣

涑河源出汴水從單縣東北入邑境至引河口與

柳林河會

兗州府志泰縣志下全

柳林河在縣西由鉅野入境內武家坑又會彭家河逕石家橋高河橋東行直達魚臺之南陽湖乃舊道也今高河橋築土壩別開引河一道由蘓家橋入涑河同流入北田寺河

金山河在縣北來自鉅野逕嘉祥縣爲蔡河東入邑境又東入州界

三灣河在縣南十里來自城武東流入濟以其經

流三邑潏洄數曲故名

馬家河在縣北二十五里東通魚臺西通嘉祥

壽河在儒學前源通洙水積年不涸

渠家橋河在城東北四里康熙四十八年知縣沈

淵濬

黃河故道卽黃母河在縣北三十五里

周敦倫金鄉黃水記乾隆廿六載辛巳六月連

降霖霖上流瀟湧而來飄忽震蕩環攻城堤西

南一帶尤當其衝土疎水迅隨築隨潰多方捍

禦始免潰決迨七月廿日競傳曹縣劉洞口決

水將至廿二日夕云水且大至城外居民扶
携幼入城者絡繹不絕未幾又有走而呼者四
門盡屯矣無何大聲起於西南怒號砰湃萬竅
俱鳴蓋已潰堤抵城而沒其半當是時城外漂
蕩城內驚擾繼之夜犬狂吠嗥以北嗥以南與
洶洶之聲相雜不知所措而北門出水溝口湧
溢街巷倏成巨浸當倉皇時謀塞內口而水自
外入仰出若數泉轟起尺餘實以土囊不能遏
邑侯麥公馳至議塞外口懸百金募善泅者外
口故伏城橋下橋已漂水扼於岸凌厲噴薄力

不克施爰監以長槌繫以修綆斗折盤旋久之
方達其處以毡綿之物塞之而水之內攻者始
息初屯門土而未高以便往來候視及水陡長
急因外城之門旋爲水所奪于是閉內門實以
土水入甕城深數尺力猛勢迅從牆罅中迸出
泚泚有聲急截木爲樁簾以草土附牆而堅築
之高與水平自亥至辰水勢漸定巡視城隍傾
圯相勢築塞越兩日得完固始慶更生焉獨念
負郭居民奚啻萬室聞水至老幼婦女奔集城
內依庵就廟昏夜哀泣丁壯營護室家不忍捨

去有乘檝者有騎屋背者有栖息于樹者傾墻
倒壁轉瞬漂泊村莊之隨流而盡廿五日公祖
葉來勘且多挾舟楫緣邑侯發役星夜馳報乞
舟以濟不測故也比至先開倉廩平市價計漂
沒田宅以請賑恤惻怛之意溢于面頰形諸
告諭洵痼瘼乃身者哉而我邑侯晝夜經營不
留餘力痛定思痛何日忘之歟憶前三載春夏
之交邑人謀濬河務欲深廣岸尤高厚謂可納
數縣之水而下注識者已不無隱憂謂南北距
城僅數里岸峻則水之近城者不得洩勢必壅

激及河入魚境會圃如帶更橋以束之壩以攔之砌石路以紆迴之上流勢如建瓴而下流不得遽瀉金邑遂成澤國雖曰天災而習坎出坎均有人事焉因敘其顛末而爲之記

按水經濟水至乘氏縣西分爲二其一東北流其一東南流過乘氏縣南又東過昌邑縣北又東過金鄉縣南又東過東緡縣北又東過方與縣北爲菏水酈道元曰郡國志山陽金鄉縣菏水逕其故城南世謂之故縣又經云泗水亦逕高平縣西洸水從西北來注之

酈道元曰所謂洸水者洙水也今已堙不可
考且泗洸亦不涉今縣境姑附識之

○吉嘉祥縣

澹臺河卽南清河自鉅野獲麟集入邑境經澹臺

山合姚河水逕于家橋陳官屯入州境

兗州府志下全

姚河泊在縣南二十里卽姚官屯河也自鉅野縣
薛河新河遶種火山而東至馬官屯入澹臺河皆
爲南清河之分支

運河在縣東北小長溝入境

金山河亦名蔡家河下流入州境

濟水故瀆在縣南五十里平山之西姚河之水入之

洛河在縣南五十五里平山之西秋胡妻投河卽此明正德間大雨民田沒疏通二十餘里以泄水

勢後復淤

縣志下全

舊黃河在縣北十里西接鄆城東南經州界入塔章口後河水遷流遂淤河北有古堤一道方輿勝境云馬頰河經鄆城縣疑卽此河

按東昌之馬頰河已非九河之馬頰縣志以此爲馬頰更謬

鄒湖在縣西南五里板山之西舊有困雁灘今淤蓮花池在縣東南長可三里

○魚臺縣

荷河在縣南七里

兗州府志下全

沙河從滕縣西流入境經縣東南五十里爲沙河鎮過雙龍橋下入昭陽湖

泥河在縣東二十五里東南流逕沛縣西入於沔河東達於漕

清河在縣東北十二里觀魚臺下由穀亭西流入嘉祥界

孝感河在穀亭鎮相傳有子負母而渡者故云

陽城湖在縣東南七十里自寨堯二山南流會滕縣大烏泉水匯而爲湖別爲小河自鷄鳴臺以東

溢而入運

縣志無

聖母池水在沙河鎮南

舊運河在縣東二十里卽穀亭鎮也古濟泗合流之地爲河漕要衝北自南陽南至湖陵相距五十里嘉靖三十四年河決飛雲橋尙書朱公來治河始開夏鎮新河而故道棄不用

黃河故道舊自曹州雙流口經嘉祥鉅野出縣境

塌場口入運明嘉靖九年河決上流分爲三支一經城南由荷河泥河入運一經城西又過城北由穀亭入運二支皆自單縣來一支則自金鄉南至縣境塌場口入運塌場口者南陽下流也其旁曰釣魚磯謂之小塌場口

南陽湖在魚臺縣東北五十里備覽云三十里周四十里今九里

牛頭河新開河之水所滙也東距運堤西畔廣運牖柳溝諸村北界州境橫埧南則馬公橋也橋以

南卽昭陽湖矣縣志

盛楓南陽湖詩郵籤十日到南陽漁市村村似

越鄉歸路人疑滄海近望家山共白雲長驚雷
出峽寒原動遠浦迴潮徹夜涼盡道侵晨須放
鷁輕風那得送危檣

蓬窓竹影自飄搖東海音書久寂寥逆浪魚龍
春浩浩翻風蒲葦日蕭蕭還家舊約思菖葉潑
眼新愁入柳條已是思歸眠不得更聞戍鼓徹

中宵

昭陽湖一名山陽又名刁陽周一百八十里上接
南陽湖西北數州縣坡水下會滕縣微山湖同出

荆山口濟運

縣志

湖界滕沛魚臺三邑之境舊設減水閘十四遇湖漲啓閘洩水下達微山等湖以濟韓莊東泇

河運道

會典

昭陽湖在運河西岸居魚沛之間魚臺爲南陽湖沛爲昭陽湖共長九十里東岸湖堤六十四里雍正二年建石閘十二座三空橋二座運河

水大則開洩入湖

通志

獨山湖在魚臺縣東周一百九十里北界州境白馬泗河諸水匯焉東受滕縣沙河諸水而縣境諸山之泉俱在鳧山之麓合爲三溝入湖由東堤十

八水口入運

縣志

獨山湖在運河東岸周一百九十六里東接山坡北受泉河諸水西南二面卽運河東岸雍正元年建束湖土堤一道留水口十九處各築草堤以時蓄洩

通志

○明張純南陽減水牐石堤記南陽之東有獨山山下有坡厥地平行卑窪舊爲滕魚諸泉所滙自宮保朱公奏鑿新河坡始蓄爲湖資灌注也然每遇伏水驟發則奔濤傷堤於是用石凡三十餘里各留口引水入運河濶不過十餘丈水

溢河漲非有以宣洩必潰於是有減水牐十四
座大者二各三洞小者十有二始事於隆慶元
年秋訖於今冬之十月隄防旣固宣蓄得宜其
規畫盡制皆公經畫而郎中游君季勲涂君淵
則承委經理後先繼續者純不敏亦咸厥勞工
告竣因請余記國家罷海運漕會通然河之西
北與黃河鄰故洪水之爲運道梗屢屢有之則
治治而去去之而復來則又治治之功愈奇而
民之膏脂亦已竭矣夫爲國家建大計何能惜
錙銖第終非久遠豈策之上哉迄嘉靖乙丑黃

水決豐沛舊運淤沒視昔尤甚公承命治之乃
舍沽沛議滕薛之墟開新河焉自南潁至留城
新者凡一百四十里復留城至境山舊者凡五
十三里而黃水之患息顧茲上源三河之水惟
沙薛最爲大夏秋潦則奔突怒冲勢不可制然
亦河之利也吾將資以爲利則又因之以爲害
乃酌利害而填堰之議興薛之水築王家口等
埧障使南趨山牙裏出地濱溝沙之水築皇甫
等堤導北流會南陽湖而是堤與牖亦次第舉
水得湖以爲容湖恃堤以固牖以洩則水不暴

運不能傷美哉公之用意遠矣湖舍舊而圖新
因高以避險不與水爭尺寸而橫逆之勢自消
所謂治之以不治也斯爲上策他如竭薛水以
南趨去其害之甚也導沙入湖并諸泉以爲蓄
剪其害且贏其利以待匱也昔都御史王公以
旂復四湖爲水櫃蓋卽此意故自昭陽復而沾
沛舊渠實賴以濟然其地卑下素爲黃水所必
趨其趨之而東勢必橫決舊河而後及湖天下
事其可兼得歟今之新河昭陽居其西南陽居
其東縱使黃河之水從西逆奔則有昭陽爲之

受山之水自東突衝而南陽湖有以爲之蓄是
又一昭陽也謂非天地所造設以待今日歟然
則是湖也資新河以利濟而茲堤茲牐則全新
河以收功者是安可無記

泉源

濟運賴乎泉泉之入運者凡五派曰天井曰分水曰魯橋曰邳州曰新河潘司空云論緩急則屬之境內雖天井派今無而歸於馬場亦猶是也然州之泉甚少魚臺汶上爲盛嘉祥有泉雖不濟於運然志不得而畧取其有益於人而稍異者

泉之出於州者凡六曰蘆溝曰托基上泉也曰馬陵曰南馬陵曰兩城中泉也浣筆泉則微矣今直

無濟於運有牐二在蘆溝者曰片玉在托基者曰碎玉皆廢又有在明靳氏園曰洗硯泉者特文人之遊戲耳

蘆溝泉距州東南七十里出兩城店土中南北泉頭五長十八里南流入南陽牐由磨鑱溝出

水濟運

全河備考

按蘆溝明英宗實錄名盧家溝泉一云泉出蘆山下土池蘆溝南頭亦曰兩城泉

毛連橋在片玉牐下

泉河史

托基泉北距州五十里出土中長二里西流入

棗林牐由龍家橋出水

全河備考

站馬橋在碎玉牐下

泉河史

馬陵泉發源馬陵山西距州六十里東泉頭一

西泉頭二長六里西流入魯溝牐由龍家橋出

水濟運

全河備考

按馬陵泉今入新白馬河出孟家橋入南陽

湖白馬河出鄒縣九龍山自城北西流會蓼

河又折而南會諸泉之水舊由堽里牐橋下

入漕

濟寧州小泉三處馬陵二泉至四泉

治河書

浣筆泉在州東關外去會通河不數武出土中

相傳李太白浣筆處由通濟牐入運

全河備考

明陳伯友通濟橋記自會通河開由濟城而南爲任城牐城之東則浣筆泉在焉泉水湧出向西南以與會通合其河口在牐之南適當商民輳集之處昔人建橋其上名爲通濟其來已久嗣之屢壞屢修萬歷三十四年又就壞石傾欹將仆行者兢若履冰車馬戒爲畏途或遷別道以過人咸苦之文學高君及諸好義者相與咨嗟奈何令橋坐壞以爲人苦則又曰修之不堅

猶勿修也乃號好義者各相捐助未幾而貲積
集工子赴則又曰橋可舉矣屬僧汝慧董其事
而僧又屬諸好義者經紀其用起三十五年次
年告成基深固砌整密又建神祠於橋右西向
以鎮水口河東之居人喜橋之成而高首事者
之義羣請記於余余行役僕僕不遑搦管至天
啓改元適以祝釐過里則又復申前請余乃進
諸居人而問之曰若之修通濟橋也抑知通濟
之義乎居人曰濟當南北咽喉子午要衝我國
家四百萬漕艘皆經其地仕紳之輿舟如織閭

廣吳越之商持資貿易者又鱗萃而蝟集卽負
販之夫牙儈之侶亦莫不希餘潤以充口實冠
蓋之往來擔荷之擁擠無隙晷也斯其所通而
濟者大也余曰固也上古民俗淳慤機智不起
麋鹿可游鷗雀可羣不爭故耳迨末世而人驚
於利矣卽纖毫之贏尺寸之獲且裂眚攘臂而
父子兄弟不顧也是利藪也固爭固也魚之並
目鳥之比翼煙之待飼蠃之待扶有之以爲通
也鷄之呼食蜂之共蜜螟之似蜾蠃之哺鳥有
之以爲濟也人不過此七尺耳爭利以養此七

尺耳七尺者人而禮義廉恥尤人之所以人胡
乃一入利塲而交逐交角賈機賈智神魂之所
託夢想之所遊以至嘖喜嘖笑俛仰頤睫之間
罔非媒取之計而巧得之術甚之螫毒蠅射不
可方物者不過爲此七尺耳嗚呼居常則七尺
之外不相通濟有如江湖同舟而遇風則胡以
越猶齊聲而望救適空谷者聞足音而羈居異
域者一見同國之人歡若平生何以同聞其閭
朝處暮游之儕而一遇小小利貲乃反面而掉
臂且相仇也惑之甚也况乎覬覦無涯命數有

定貪者不邀於分外拙者不損於分內千金之
子室積如邱而終夜吃吃丐者一果腹而充然
有餘兩者貧富岐而足不足之願則比之懸矣
苟一曉於通濟之義則知利者天地之物譬一
涖之源而人共斟酌焉分內不遺分外不黷入
也于于出也雍雍各相範於禮義廉恥而完此
七尺之所以爲人乃爲交暢於不爭而於通濟
之義也大矣居人曰唯唯遂授而鐫之石

濟寧州州同管理泉夫九名內泉老一名

運河
備覽

黑龍潭在州西十二里瀕運河其水黝黑深無際

按龍潭下聞亦有泉不竭故附於此

濟寧直隸州志

卷四

福泉在城北六里因挑路掘出立天賜福泉碑今

堙縣志

按山左之泉甲于天下而泰山陪尾所出居
十之九萊蕪泉六十九新泰泉三十有五泰
安泉六十有九泗水之泉至八十有二此最
著也濟州之屬惟魚臺爲最凡二十有二易
曰山下出泉大約山多則泉亦多然嘉祥多
山而泉僅六七又他泉皆歸運河故有管泉
之夫及泉老之設而嘉祥獨否以無關於運

河也故獨不載於泉河之史至於金鄉雖有
陽葛諸山而并不聞其有泉縣志載有福泉
者特井之類耳今特以備數云不以其已堙
而畧之也

○嘉祥縣

感應泉在青山之陰惠濟公祠中冬夏長流不竭
至祠西山麓復入土不見歲早有禱屢應法雲泉
在山之陽華林泉出華林山下流瀉成溝鄉人賴
其灌溉三江泉在北鳳凰山隆慶三年僧三江住
此有道人暫憩僧曰恨此山無泉耳道人曰山前

有泉姑待之後天旱草俱赤惟青蒿特茂僧拔之
泉應手出橫山泉在大雲寺後橫山之半水出石
隙雖旱不涸牧羊常飲其上縮泉在南武山聞人
聲則止靜俟復流

縣志

○魚臺縣

魚臺縣泉二十有二其上泉曰青山泉

卽黃河頭良泉

泉陳家泉高家泉高家西泉俱在縣東北七十里
聖母池泉西龍泉俱在縣東北九十里倣古泉縣
東北一百一十里其中泉曰廟前泉縣東北七十
里勝水泉縣東北七十里滕家泉新滕泉中益泉

俱在縣東北七十里聖裔泉六小泉西六泉俱在
縣東北九十里平山古泉縣東北一百一十里以
上共十七泉曰有本泉小龍泉東龍泉何家源泉
廉家泉皆下泉也

運河
備覽

濟寧州州同管理泉夫二十名泉老一名總甲一

名小甲一名

全上

元頓舉黃良泉記皇慶元年壬子東平景德鎮
行司監丞奉議大夫劉公莅官之始克勤乃事
閱視堤岸之卑下者增築之水流之淺澀者疏
通之泝流尋源自北而南過古任國歷魯橋涉

泗汶合流之次里幾一舍而抵黃山之麓覺其
土脉膏潤復進而前得泉沮洳而出可以濫觴
者數泓沉於泥沙間俯而探之溫如湯掬而飲
之甘如醴以杖引之逐勢而行又如蛇之赴壑
就僉役夫鑿而注之河其流甚順溶溶洩洩不
舍晝夜卽召故老詢所稱呼莫有知者因以是
泉出於黃山其性最良宜目之曰黃良謀勒諸
石以告來者道以禮命文於予予特隹公之任
職也故樂道之

○明潘季馴旱久泉微請禱雨疏臣季馴謹題爲

旱久泉微河道艱澀乞恩俯允虔禱以回天變
以濟糧運事據管理北河郎中李民質管泉兼
理南旺濟寧牐座主事王元命濟寧管河兵備
副使曹時聘會呈據兗州府管河運司同知陳
昌言報稱自去冬至今天道亢暘汶泗泉流微
細以致南旺等處河道日澁卽今重運盛行恐
有阻滯預呈到職該職等看得南旺濟寧一帶
漕河地勢高亢不通江河所賴以濟運者惟藉
諸泉之水而諸泉之水必得天雨及時源流充
溢斯可盈漕利涉詎自去冬至今雨澤未霑天

道亢旱時已入夏地脉益乾泉流愈涸以涓滴
有限之水充南北二河之用勢必不能今濬河
則河身不淺導泉則泉穴俱闕多方疏引水涸
如故人力至此無可奈何所仰望者惟有雨耳
乃雲作風隨須臾如掃日復一日膏澤竟屯雖
今歲糧艘不多積有諸湖之水儘可接濟但目
下過濟者止有江北運船江南重運及進貢船
隻尙多未到茲值狂風捲蕩烈日熏蒸湖水雖
盈亦漸消耗倘自今猶然不雨接濟不前殊爲
可慮查得萬歷十六年久旱河淺該查勘河工

都給事中常居敬山東巡撫李戴會題請禱奉
有明旨隨卽霖雨滂沱漕艘利涉卽今旱魃爲
虐不異往歲河水漸涸後事可虞除行管河泉
脾等官加謹啓閉極力疏濬職等日夜驚皇痛
自修省外合無比照前例俯賜題請恭行祈禱
於泰山諸神庶幾天意可回甘霖早澍國儲幸
甚河道幸甚等因到臣臣竊惟漕河之深淺係
於泉源之盛衰而泉源之盛衰係於雨澤之多
寡蓋天時地利本自相資而人力天工不可偏
廢者也矧漕渠自鎮口脾以至臨清七百餘里

皆賴蕪萊諸泉南北分濟道里旣遠水力自微其所藉於霖雨者尤不小也臣於去年夏秋之間目擊山東地方苦旱良久已經撫按衙門題請蠲賑入冬雨尙愆期雪不盈寸臣逆慮漕河淺澁卽嚴行司道及管河諸臣疏導泉穴挑濬漕渠及將汶河諸水挽入湖坡貯蓄以待不時之需凡可爲漕計者似無遺力該司道所云濬河則河身不淺導泉則泉穴俱闢誠有然者第因山東久苦乾旱入春雨澤全無亢暘愈甚陰雲稍合旋被風散此皆臣等奉職無狀之所致

也泉流曰微漕水曰涸閉牐積水兩日方可盈
漕所幸今歲漕糧不多徐北業已過濟頭帮已
出臨清板牐矣獨上江運艘共計一百八十七
隻尙未過濟而鮮貢之船亦多陸續前進臣嚴
行管河各官將南旺蜀山馬場馬踏等湖封閉
蓄水取有甘結在卷候運船至日放水送舟量
亦無誤但虞狂風簸蕩烈日薰蒸湖水不免漸
消臣與司道諸臣晝夜徬徨寢食爲廢日望天
降時雨以濟然眉之急而竟未可得也考之春
秋三月不雨卽以示警今不雨者自冬歷春由

春入夏矣寧能保其不涸乎臣查得萬歷十六
年四月間山東巡撫都御史李戴亦以久旱不
雨漕渠淺澁會同勘工都給事中常居敬題請
躬詣泰山祈禱奉聖旨便着該巡撫官虔誠祈
禱禮部知道欽此諸臣遵行未幾而大雨如注
蓋聖德隆盛素格天心意念所及百靈效順宜
其響應如此伏望我皇上容臣比照前例率同
司道等官齋食素衣躬詣泰時建壇祈懇仰冀
旱魃潛消甘霖速降則非惟運道可免淺澁而
民生亦可望其有年矣

奉旨着河道竭誠
祈禱該部知道

濟寧直隸州志

卷四

三

橋社附

橋梁與水道相經緯不得離而二之今已隨地
附於川澤泉源之內不別分門而牧濟錄橋社
之說真仁人君子之用心也故附於此有志濟
物者或聞風而興起焉其利溥哉然非符令迫
脅所可行也

吳璽曰周禮司險氏掌九州之圖以周知其山林
川澤之阻而達其道路又按工律內載凡橋梁道
路府州縣佐貳官提調於農隙之時常加點視修
理務要堅固平坦若損壞失於修理阻礙經行津

渡之處應造橋梁而不造應置渡船而不置者提
調官吏坐罪有差是古司險之職分責之天下地
方官矣濟寧當水陸交衝舟車會聚之地往來如
織設道路橋梁不加修治阻礙行旅卽是曠廢職
業槩不敢不愼也運河九牐各設有抽橋而四境
之內大小河道甚多或原無橋或有而傾倒損壞
及狹小危險應建應修者不一而足工料之費無
出捐則力有不能派之地方則勞民動衆不敢行
也濟俗有進香社會每一方推一二鄉評信服之
人爲會首有願入會者隨力輸貲會首經管生息

每年爲名山進香之費因曉勸倣香社之例立爲橋社平日零星捐積不覺費力一遇有應修橋梁取用裕如也其無橋社之所如有僧人情願募化建修者聽之或有義民捐修橋梁及設義渡者獎勵成之至於通衢大道其地勢卑下者一經久雨則泥沒踝膝水積成渠行旅艱難或阻絕經時或遠從紆道跋涉之苦其何以堪豈非守土者之責耶於是督令附近鄉民挑取路旁之土築高增濶深其溝洫水有所洩夾路更課民植柳俟久雨免泥淖之苦盛暑有濃陰之蔭然須每年十月間遍

行查勘遇有損壞卽加修治毋得歷久壞盡致難
施工則往來行人長有履坦之樂矣

勸舉橋社諭單 爲勸設修橋社會以利行旅
事照得濟寧爲四達交衝五方雜處之地行旅
往來絡繹不絕而河津通衢所設皆係浮橋車
馬經行易以損壞屢經設法修葺奈橋多費繁
難爲歲修經久之計查濟俗習尙競舉社會有
佛會神會香會燈會種種不一會首於朔望日
釀取社錢爲禮佛賽神進香燒燈之費以求福
田利益但求之冥漠不可知之地何如修治橋

梁濟人利涉作現在功德乎合行給簿勸諭
此示仰某處鄉約將本州勸設橋社之意傳知
所在居民共舉修橋之社如香社例公議年高
德劭鄉評素重者爲會首該鄉約相協料理凡
入社之人聽其多寡輸錢於朔望日收貯會首
處登注簿內以備修橋之用年終將簿繳查鄉
約會首若有不公及侵用情弊在社之人卽據
實具稟以憑查究其各凜遵毋負本州勸諭之
意

各地方分管橋社列後

東關五 東門橋社 東關一鋪暨城內東 馬驛

橋社 東關一鋪承管 得勝橋社 東關二鋪承管 浮橋社 河東二鋪

承管 觀瀾橋社 河東二鋪承管

南關六 南門橋社 南城一鋪二鋪九鋪暨城內西南隅四地方承管

天井橋社 南城六鋪承管 任城橋社 南城五鋪承管 下心橋

社 南城七鋪承管 南小門橋社 馮段村承管 中心牌橋社

本地方承管

西關四 西門橋社 西關一鋪暨城內西 夏家

橋社 西三里營承管 草橋社 草橋一鋪暨草橋二鋪河南涯東西街承

管 濟安橋社 草橋二鋪承管

北關一

北門橋社

北關一舖暨城內東
北隅兩地方永管

濟寧直隸州志

卷四

○金鄉縣

蘇家橋在城東五里舊七洞石砌康熙年重修增

爲十二洞

兗州府志下全

涑河橋在城東南原名八里橋乾隆二十八年重修

來勲橋在南堤石砌三洞

濟象橋在黃堆集石砌三洞

○嘉祥縣

澹臺橋在城南三里澹臺山下二十一石洞

土山橋在城南二十里土山集東古黃河上

垺頭橋在城南二十五里垺頭村

魯翟橋在城東五里

丁家橋在城西南九里

○魚臺縣

馬公橋在城北五十里南陽鎮以南下臨昭陽湖
爲衝要大道康熙二十七年知縣馬得正創建知
縣金虞廷張丕亨繼修其規模崇隆石路延長
正十三年副總河劉勳捐修也

山泉石路在縣北七十里往來孔道瀕河爲患

隆三十年

卷三十一
興南巡屬車經此奉檄修建自大水口起至青山泉
河止計長七百八十丈兩邊砌石壁高八尺外植
排椿以防傾圯中廣一丈六尺實以土杵築堅固
下建涵洞一十七座湖水暢流人不病涉共費公
項銀九千七百兩億兆利賴永沐

皇仁於無疆焉

卷四 輿地

城頭堡在城南二十五里明頭村

魯翟橋在城東五里

丁家橋在城西南九里

魚臺縣

皇二牧無憂焉 北五十里南陽鎮以南下臨昭陽河

更幾水千五百河愈北味陳永松 馬得正創建

不盡祿師一十寸重隨水豐源人不減遊其費公

耕藉以刈耐壯中惠一丈六尺實以土林築堤固

河土信尋小百八十丈兩數斷不墊高八尺伏耐

南漢風車驛此奉謝劉藝自大木口賦至青山泉

